

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
NOV 1 6 1941

T9299/8125(10)

列國譜系門三

大國篇三

宋世章

杞世章

陳世章

列國譜系門四

大國篇四

齊世章

楚世章

列國譜系門五

大國篇五

邾世章

小邾世章

薛世章

許世章

莒世章

越世章

學海君道部世系類

學海君道部卷之二十二

世系類二十

列國譜系三

大國篇三

宋世章

微子啓殷帝乙之元子紂之庶兄也周既克商封微子於宋

書序微子啓帝乙長子武王伐紂微子歸周成王既黜殷命殺武

庚命微子啓代殷後作微子之命

王若曰猷殷王元子惟稽古崇德象賢統承先王修其禮物作賓

王家與國咸休永世無窮嗚呼乃祖成湯克齊聖廣淵皇天眷佑

受厥命撫民以寬除其邪虐功加于時德垂後裔爾惟踐修厥

哈佛大學漢和
圖書館珍藏印

猷舊有令聞恪慎克孝肅恭神人予嘉乃德曰篤不忘上帝時歆
下民祗協庸建爾于上公尹茲東夏欽哉往敷乃訓慎乃服命率
由典常以蕃王室弘乃烈祖律乃有民永綏厥位毗予一人世世
享德萬邦作式俾我有周無斁嗚呼往哉惟休無替朕命

孔氏傳曰微畿內國名子爵也爲紂卿士

集傳曰微國名子爵也成王旣殺武庚封微子於宋以奉湯祀

林氏曰語云微子去之微子當紂之時處可疑之地而去商亦

遜於荒野而已及武王克商始抱祭器歸周武王使復其位初

以殷之封爵居舊位也不曰宋公之命而曰微子之命蓋周以

賓待之非欲臣之也箕子微子雖歸周而未嘗臣周所以與比

干並稱三仁

吳氏曰武王克殷封武庚於殷墟封微子於宋樂記言武王下

車投殷後於宋是也及武庚叛成王殺之始卽微子已封之宋

國建之爲上公以奉湯祀蓋申命之書非先未封至此始封之

也凡策命諸侯必有初封之辭如蔡仲之命乃命諸王邦之蔡

之類此篇初無此等語也史記世家言其說爲是且武王猶封

箕子於朝鮮豈有捨微子不封待成王而後封乎

陳氏桎曰當武庚叛後殷餘民猶思商以微子之賢處疑忌之

地而命之之辭如此聖人寬大公平之用心也

新安陳氏曰殺武庚紂子微子奉湯祀者蓋紂以嫡子立爲天

子武庚紂子實爲大宗子微子不過支子爾武庚在爲殷後奉

湯祀者武庚也微子不得與也武庚死殷命黜微子始得代之

爲殷後也

史記世家曰宋微子啓者殷帝乙之首子而紂之庶兄也紂旣立不明淫亂於政微子數諫紂不聽紂殺王子比干而囚箕子武王伐紂克殷微子乃持其祭器造於軍門肉袒面縛左牽羊右把茅膝行而前以告於是武王乃釋微子復其位如故武王封紂子武庚祿父以續殷祀使管叔蔡叔相之武王崩成王少周公攝行政管蔡疑之乃與武庚作亂周公東征誅武庚殺管叔放蔡叔乃命微子代殷後奉其先祀作微子之命以申之國于宋微子故能仁賢乃代武庚故殷之餘民甚戴愛之

羅氏泌曰以微子之賢吾君之子而商人父師之顧乃使之代商後而邦之宋宋爲故亳商之舊都民之被澤者固未忘也使微子少異其志則全商之地亦非周矣成王周公方且晏然命之不以爲疑卒以按堵非聖人之盛德能如是乎

楊氏慎曰微子肉袒面縛之事出于左氏乃楚人以誑莊王受鄭伯之降借名於武王而誣微子也史曰微子抱祭器而入周旣入周矣又豈待周師至而後面縛乎卽抱器入周亦必無之事劉敞曰古者同姓雖危不去國微子紂庶兄也何入周之有論語云去之者去紂都也雖去不踰國斯仁矣

微子助祭于周

詩頌振鷺曰振鷺于飛于彼西雝我客戾止亦有斯容在彼無惡在此無斃庶幾夙夜以永終譽

孔氏曰客者敵主之言先代之後時王偏所尊敬特謂之客也

集註客謂二王之後夏之後杞商之後宋於周爲客天子有事
膳焉有喪拜焉者也此二王之後來助祭之詩彼其國也

三山李氏曰我客云者不純臣待之如所謂虞賓在位作賓王
家也

慶源輔氏曰在彼無惡其心公也在此無斃其心厚也公則順
天厚則盡道必如是然後可以永終此譽尊之曰客又以鷺比
所謂譽也庶幾不敢必之辭也
又有客曰有客有客亦曰其馬有萋焉于其旅有客宿宿有
客信信言授之繫以繫其馬薄言追之左右綏之既有淫威降福
孔夷

集註周既滅商封微子於宋以祀其先王而以客禮待之不敢
臣也殷尚白修其禮物仍殷之舊也萋且敬慎貌敦琢選擇也
旅其卿大夫從行者也此微子來見祖廟之詩始至而嘉之將
去而留之已去而復還之愛之無已也統承先王用天子禮樂
所謂淫威也

曹氏曰威等威也微子用其先王之車服禮樂其等威之大異
乎列國之諸侯矣

微仲衍微子弟

禮記曰微子舍其孫輔而立衍也

鄭玄曰微子適子死立其弟衍殷禮也

史記微子開卒立其弟衍是爲微仲

索隱曰家語微子弟仲思名衍一名泄嗣微子爲宋公雖遷爵易
位而班級不過其故故以舊官爲稱故二子雖爲宋公猶微至子

稽乃稱宋公

宋公稽譙周二云未謚故名之

史記曰微仲卒子宋公稽立宋公稽卒子丁公申立丁公申卒子閔公共立閔公卒弟煬公熙立煬公即位閔公子鮒祀弒煬公而自立是為厲公

索隱曰徐廣云鮒一作鮒譙周亦作鮒祀據左氏即潛公庶子也弒煬公欲立太子弗父何何讓不受

僖公舉厲公子在位十七年周厲王出奔彘二十八年卒竹書厲王二十三年

庚午宋僖公薨

惠公閑僖公子在位四年周宣王即位三十年惠公卒

哀公史失其名惠公子在位二年

戴公哀公子在位三十四年竹書平王五年乙亥宋戴公薨

武公司空立戴公子在位十八年竹書平王二十三年癸巳宋武公卒

宣公力戴公子在位十年竹書平王四十二年壬子宋宣公卒

穆公和宣公弟宣公病舍太子與夷而立和宣公卒和立是為穆公穆公之七年魯隱公元年己未歲也九年辛酉八月春秋書宋公和

卒十二月書葬宋穆公元癸丑

殤公與夷宣公子穆公病出公子馮于鄭而命立與夷穆公卒與夷立是為殤公在位十年華督弒之元壬戌

莊公馮穆公子華督弒殤公迎莊公于鄭而立之在位十九年元壬申

閔公捷莊公子在位十一年南宮萬弒閔公而立公子游元己丑

公子游

桓公禦說莊公子諸公子共殺游而立之在位三十一年 元庚子

襄公茲父桓公子在位十四年 元辛未

成公王臣襄公子在位十七年 元乙酉

公子禦成公第殺太子而自立為君宋人共殺禦而立昭公

昭公杵臼成公少子 年表云襄公之子 徐廣云成公少子 在位九年夫人王姬使衛伯

攻殺昭公立昭公弟鮑 元壬寅

文公鮑昭公第弒昭公自立在位二十二年 元辛亥

共公瑕文公第宣公十三年 元癸酉

平公成共公少子在位四十四年 元丙戌

元公佐平公子在位十五年 元庚午

景公欒 史記景公頭曼 元公子在位六十四年 元乙酉

昭公得元公庶曾孫在位四十七年 年表云四十九年通鑑前編六十五年丁巳卒

左傳景公無子取元公庶曾孫公孫周之子得及啓畜于公宮及

景公卒先立啓後立得是為昭公

史記景公卒宋公子特攻殺太子而自立是為昭公昭公者元公

之曾庶孫也昭公父公孫糾糾父公子禘秦禘秦即元公少子也

景公殺昭公父糾故昭公怨殺太子而自立四十七年卒

悼公購由昭公子在位八年 竹書云十八年元戊寅

休公田悼公子 以下三君 史無其年

辟公辟兵休公子在位三年

索隱曰紀年作桓侯璧兵則璧兵謚桓也又莊子云桓侯行未出城門其前驅呼辟蒙人止之後為狂也

剔成君辟公子在位四十一年第偃攻襲之剔成奔齊

索隱曰王邵按紀年云宋剔成肝廢其君壁而自立

宋王偃剔成第逐剔成而自立為宋君十一年癸卯稱王四十三年

乙亥齊閔王與魏楚伐宋王偃走溫歿遂滅宋而三分其地元癸巳終乙亥

索隱曰戰國策呂氏春秋皆以偃謚曰康王

右宋始微子終王偃二十三世三十二君八百二十一年

黃氏曰宋湯之後春秋常書公以列於諸侯之上反覆十三君行

事非有可稱而聖人拳拳焉特以著三統之相承明王澤之當續

也

杞世章

東樓公夏后禹之裔也妣姓周初封於杞

史記世家曰杞東樓公者夏后禹之苗裔也姓妣氏殷時或封或

絕周武王克殷紂求禹之後得東樓公封之於杞以奉夏后氏祀

索隱曰杞國名也東樓公謚號也地理志云雍丘縣故杞國周

武王封禹後為東樓公是也蓋周封杞而居雍丘至春秋時杞

已遷東國故左傳隱四年莒人伐杞取牟婁牟婁者東邑也僖

十四年傳杞遷緣陵地理志北海有營陵淳于公之縣臣瓚云

即春秋緣陵淳于公所都之邑又周國名杞後改國號曰州而

稱淳于公故春秋隱五年經云州公如曹傳曰淳于公如曹是

也然文十二年又稱子者以微小又僻居東夷

路史曰湯放桀既代夏政爰封少康之後於杞以郊禹後分於曹

東之僂是為東樓公周興求後得東樓公復之杞為二後

西樓公

史記曰東樓公生西樓公西樓公生題公題公生謀娶公謀娶公
生武公

卮言曰竹書周厲王二十四年書杞武公無以後不書距春秋之
杞武公六十年必有誤也

武公西樓公孫謀娶公子即位二十九年魯隱公元年己未也四十
七年卒

春秋隱公四年杞武公三十三壬戌春二月莒人伐杞取牟婁

杜氏曰書取言易也杞國本都陳留雍丘縣推尋事跡桓六年
淳于公亡國杞似并之遷都淳于僖十四年又遷緣陵襄二十
九年晉人城杞之淳于杞又遷都淳于牟婁杞邑城陽諸縣東

北有婁鄉

正義曰地理志云陳留郡雍丘縣故杞國武王封禹之後東樓
公是杞本都陳留雍丘縣也志又云北海郡淳于縣應劭曰春
秋州公如曹左氏傳曰淳于公如曹臣瓚案州國名淳于國之
所都此淳于縣於漢屬北海郡晉時屬東莞郡故釋例土地名
云州國都於東莞淳于縣以雍丘淳于雖郡別而竟連也栢五
年傳稱淳于公如曹度其國危遂不復六年春寔來雖知其國
必滅不知何國取之襄二十九年晉帥諸侯城杞昭元年祁午
數趙文子之功云城淳于是知淳于即杞國之都也僖十四年
諸侯城緣陵而遷杞不知從何而遷故云淳于公亡國疑似并
之而遷居其地僖十四年又從淳于而遷於緣陵襄二十九年

又從緣陵而遷於淳于以無明文疑不敢質故云推尋事跡似當然也雖然淳于為杞所并定似不虛而遷都淳于未有事跡自雍丘而遷緣陵亦可知矣而杜必言遷都淳于又從淳于遷緣陵者以桓六年淳于公亡國襄二十九年又杞都淳于則淳于始末是杞之所有又杞之所都故疑未都緣陵之前亦都淳于也

桓公二年

杞武公四十二年庚午

秋七月杞侯來朝九月入杞

左傳杞侯來朝不敬杞侯歸乃謀伐之九月入杞

程子曰凡杞稱侯者皆當為紀杞爵非侯文誤也及紀侯大去

其國之後杞不復稱侯矣

真是大儒之見詳後國篇紀條

靖公武公子在位二十三年

元戊寅

共公靖公子在位八年

元辛丑

惠公共公子在位十年

元巳酉

史記世家曰共公八年卒子德公立德公十八年卒

春秋莊公二十五年

杞惠公四壬子

夏九月伯姬歸于杞二十七年

癸丑春

公會杞伯姬于洮冬杞伯姬來杞伯來朝

何氏曰杞先代子孫也方東樓公始封與微子啓無異得郊祭

而用天子禮樂入春秋已失公爵降而曰侯後或稱伯或稱子

都無定限足知其微弱僻陋

張氏曰杞國小力微故降爵以自儕於小國杞之自侯而伯自

伯而子蓋浸以微弱也

汪氏曰桓公之經三書杞侯公穀皆作紀此書杞伯以後並書

列國譜系 卷之三
伯惟僖二十三年書杞子卒二十七年書杞子來朝襄二十九
年書杞子來盟文定據左士謂杞用夷禮故貶稱子朱子又謂
杞國最小所以文獻不足徵初稱侯已而稱伯已而稱子蓋其
朝覲貢賦之屬率以子男之禮從事聖人因其實而書之然春
秋未嘗書杞公亦不可考姑闕疑以俟知者

廬陵李氏曰杞妣姓公爵夏禹之裔也武王克殷求禹後得東
樓公而封之九世至成公見春秋自桓以來本稱侯爵後爲時
王所黜故莊二十七年來朝稱伯成公用夷禮故僖二十三年
貶稱杞子卒二十七年來朝稱杞子至文十二年成四年十八
年來朝復稱伯襄二十九年來盟復貶稱子此左氏杜氏之言
也若如公羊之言則凡桓公篇稱杞侯者皆作紀而杞則王者
之後本稱公但春秋黜杞而伯之後之稱子者以微弱爲徐莒
所脅而貶之也胡氏於杞子卒下云杜預謂杞實稱伯而書子
者成公始行夷禮終其身故仲尼貶之則胡氏意亦以爲杞本
伯爵故於此條下無注矣然胡氏本不信時王黜陟之說則是
棄杜預之前說而用杜預之後說也切嘗考之周封三恪獨微
子以三仁之賢得以統承先王修其禮物故其命之曰庸建爾
于上公尹茲東夏杞雖王者之後然東樓本無大功德豈遽錫
以公侯之上爵乎入春秋之始莒以微國尚伐杞而取其邑則
杞之微乎微可知已不待夫子之時而文獻不足也是故論三
恪之實則宋以微子之賢作賓王家陳以武王之賴其利器用
妻以元女故宋爵公而陳爵侯杞之爲侯本無所據但胡略氏

而不言註公羊者拘於王者之後稱公注左氏者泥於桓公編
杞侯之誤爲是紛紛耳

春秋僖公五年

杞惠十年八丙寅

春杞伯姬來朝其子

臨川吳氏曰曹伯有疾遣其世子射姑代父朝魯春秋譏之杞
惠公疑亦有疾伯姬以其子爲魯之甥故挾之至魯就令攝父
行朝禮是年杞惠公卒成公嗣位蓋伯姬豫欲托其子於魯也
杞伯失君道失父道失夫道伯姬失妻道失母道其子失子道
而魯僖受其朝皆非禮也

成公惠公子在位十八年

元丁卯

史記索隱曰世本云惠公生成公及桓公史記世家以惠公爲德
公脫成公一代云德公卒桓公立非也且成公又見春秋經傳故
左氏莊二十五年云杞成公娶魯女有婚姻之好至僖二十二年
卒始赴而書左傳云成公也未同盟故不書名是杞有成公必矣
又世本云惠公十八年成公十八年

春秋僖公十四年

杞成公九年乙亥

春諸侯城緣陵

胡傳淮夷病杞諸侯會于鹹城緣陵而遷杞焉則其事專矣故
前日後凡直書諸侯而不序也

呂氏曰衛已滅而諸侯城楚兵以封衛故不曰城衛而曰城楚
丘杞未遷而諸侯城緣陵以存杞故不曰城杞而曰城緣陵以
諸侯而封諸侯非王法也故但曰諸侯而不序其功不足錄者
矣

春秋僖公二十三年

杞成十年八甲申

冬十一月杞子卒

左傳杞成公卒書曰子杞夷也不書名未同盟也凡諸侯同盟死則赴以名赴以名則亦書之不然則否辟不敏也

程子曰杞二王後而伯爵疑前世黜之也中間從夷故子之後復稱伯

胡傳按左氏杞成公卒書曰子杞夷也杜預以謂杞實稱伯而書曰子者成公始行夷禮終其身故仲尼於其卒以文貶之此說是也或曰信斯言是春秋黜陟諸侯爵次以見褒貶不亂名實乎曰春秋固天子之事也而尤謹於華夷之辨中國之所以為中國以禮義也一失則為夷狄再失則為禽獸人類滅矣魯桓篡弒滕首朝之貶而稱子治其黨也夷不亂華成公變之貶而稱子存諸夏也

海陵胡氏曰杞本侯爵或稱伯或稱子稱伯者雜夷禮降二等稱子者純夷禮降二等魯人因其來朝而賤之仲尼修經而貶之亦猶吳楚之君不書葬之例也杞非侯爵程子之論至當貶義諸說皆精

桓公姑容成公子在位七十年元乙酉

春秋僖公二十七年杞桓公四戊子春杞子來朝秋八月乙巳公子遂帥

師入杞

左傳春杞桓公來朝用夷禮故曰子公卑杞杞不共也秋入杞責無禮也

杜氏曰杞先代之後迫於東夷風俗雜壞言語衣服有時而夷然異於介葛盧故惟貶其爵

高氏曰杞魯乃甥舅之國伯姬在焉而凌暴之如此魯人不義

其矣僖公之德衰矣

三十一年杞桓公八壬辰冬杞伯姬來求婦

春秋文公十二年杞桓公二十二丙午春杞伯來朝二月庚子子叔姬卒

左傳杞桓公來朝始朝公也且請絕叔姬而無絕昏公許之

宣公十八年杞桓公四十六庚午春公伐杞

成公五年杞桓公五十一乙亥春正月杞叔姬來歸

臨川吳氏曰僖三十一年杞伯姬為其子求婦而僖公以次女

叔姬與之歸為杞桓公夫人至今四十四年夫婦年皆六十之

上而姬始被出而歸疑是叔姬無子杞桓別有妾子為太子叔

姬心不自安而願歸魯故叔姬既卒而杞桓復來迎其喪以歸

也

卮言曰文十二年杞伯請絕叔姬而無絕昏叔姬遂卒此復書

杞叔姬來歸者蓋杞伯復求其次而文公許之至是亦三十年

矣

冬十二月己丑公會晉侯齊侯宋公衛侯曹伯邾子杞伯同盟于蟲牢

卮言曰經書杞伯與諸侯會盟始此自後凡二見

八年冬十月杞叔姬卒九年春正月杞伯來逆叔姬之喪以歸

十八年己丑秋杞伯來朝

左傳秋杞桓公來朝勞公且問晉故公以晉君語之杞伯于是

驟朝于晉而請為昏

襄公六年杞桓七十一甲午春三月壬午杞伯姑容卒秋葬杞桓公

左傳春杞桓公卒始赴以名同盟故也

厄言曰杞桓公在位七十年享國最久始與魯為昏終以魯君之言而請昏於晉蓋亦能修其政治而不失事大之禮者此所以能與諸侯之會盟不受諸侯之侵伐而春秋於此詳錄其事無異於大國也

孝公句桓公子在位十七年凡十一與諸侯之會盟元戊申

文公益姑孝公弟在位十四年元乙丑

春秋襄公二十九年杞文公夏五月仲孫羯會晉荀盈及諸侯城

杞杞子來盟

穀梁傳古者天子封諸侯其地足以容其民其民足以滿城以自守也杞危而不能自守故諸侯之大夫相帥以城之此變之正也

左傳晉平公杞出也故知悼子合諸侯之大夫城杞晉侯使司馬女叔侯來治杞田弗盡歸也晉悼夫人愠曰齊也取貨先君若有知也不尚取之公告叔侯叔侯曰虞虢焦滑霍楊韓魏皆姬姓也晉是以大若非侵小將何以取武獻以下兼國多矣誰得治之杞夏餘也而即東夷魯周公之後也而睦於晉以杞封魯猶可而何有焉魯之於晉也職貢不乏玩好時至如是可矣何必瘠魯以肥杞且先君而有知也母寧夫人而焉用老臣杞文公來盟書曰子賤之也

陳氏曰凡來盟皆大夫也杞伯親之故賤之也杞雖稱子矣前乎此夷儀之會稱伯後乎此卒復稱伯來盟特稱子見春秋之貶諸侯也

平公郁釐史記名鬱在位十八年元丙寅

悼公成平公弟在位十二年元甲申

隱公元年史記名悼公子立七月弟過弒之

僖公過隱公弟弒隱公自立在位十九年元丙申

閔公維僖公子在位十六年弟閔路弒之元乙卯

哀公譙周云懿公閔路閔公弟在位十年元辛巳

出公軟閔公子在位十二年元辛卯

簡公春出公子立一年楚惠王之四十四年丙申滅杞

右杞始東樓公終簡公凡十九世六百七十八年

太史公曰杞微甚不足數也楚惠王滅杞其後越王句踐興

蘇氏古史曰杞宋皆天子之事守也禮樂車服在焉孔子言夏殷

禮杞宋不足徵也宋雖不足徵然晉楚大國有所不知未嘗不問

焉如杞遂至用夷無足言者昔孔子學官名於郟子郟子至微矣

而其先王之遺文於諸侯為詳孔子之於夏禮蓋由考於杞歟而

無君子不能自列悲夫

李氏洪曰春秋之法中國而夷狄者夷狄之所以辨內外正名實

也吳以泰伯之後或貶而稱國楚以熊繹之後或黜而書州晉武

穆也而或挈晉鄭厲昭也而或挈鄭凡以狄之爾杞先代之後而

即東夷豈非東周所甚貶歟然攷之經杞之書于者二侯者三人

者五伯者二十八筆削褒貶若無一定之法何也以爲時王之所

予奪歟則是征伐禮樂猶出於天子而不爲東周矣以爲因魯史

之舊歟則是進退賞罰無假於聖人而傳習者無所是正矣聖人

之且進且細豈無意耶觀祀之爲國偏於莒困於夷自桓公以前
獨與魯好孝公以後始從晉役亦諺所謂蕞爾國也當春秋之季
微之小邾猶能誦成王之雅夷之爲邾尚能言少昊之官宋先王
之後賓祭之禮未至遽亡魯周公之子易象春秋卓有可見祀亦
先代之嗣者舊典章抑嘗有一二足徵者乎左氏曰祀用夷禮蓋
其習夷久矣春秋不貶之則卽夷也不可以不貶遽絕之則爲夏
之後不忍絕也故書侯書伯書子書人因其善惡而著之

陳世章

陳胡公滿者虞帝舜之後也媯姓

史記世家曰昔舜爲庶人堯妻之二女居於媯汭其後因爲氏姓
姓媯氏舜已崩傳禹天下而舜子商均爲封國夏后之時或失或
續至於周武王克殷紂乃復求舜後得媯滿封之於陳以奉帝舜
祀是爲胡公

孔氏左傳正義曰案世本帝舜姚姓哀元年傳稱虞思妻少康
以二姚是自舜以下猶姓姚也昭八年傳曰及胡公不淫故周
賜之姓始姓媯耳史記以爲胡公之前已姓媯非也

左傳鄭子產曰昔虞闕父爲周陶正以服事我先王我先王賴其
利器用也與其神明之後也庸以元女大姬配胡公而封諸陳以
備三恪則我周之自出至於今是賴

國語曰肅慎氏之貢楛矢先王以分大姬配虞胡公而封諸

陳

路史曰陳胡公帝舜之裔也舜之支庶國於胡者爲歸姓胡公世

不淫至虞闕父為周陶正武王妃其子胡公滿以太姬錫之媯姓
與肅慎之瑤復之于陳 大戴禮云禹受命乃邑姚姓于陳則胡公乃繼封也

史記曰胡公卒于申公犀侯立申公卒弟相公臯羊立相公卒立
申公子突是為孝公孝公卒于幽公寧立 年表幽公十四年共和元年己未也

厲王二十三年周厲王奔于彘二十三年幽公卒 竹書
厲王二十三年庚午陳幽公薨

僖公孝幽公子在位二十六年
武公靈僖公子在位十五年卒是歲周幽王即位

夷公說武公子在位三年 竹書幽王四年癸亥陳夷公卒
平公燮夷公第七年周幽王為犬戎所殺周東遷二十三年平公卒

文公圉平公子在位十年
桓公鮑文公子即位二十三年魯隱公元年己未也二十六年壬戌

夏經書宋公陳侯蔡人衛人代鄭三十八年卒 元丁丑
陳佗即五父桓公弟其母蔡女也桓公卒故蔡人為佗殺桓公太

子免而立佗明年蔡人殺佗而立桓公子躍
厲公躍桓公子在位七年 元乙亥

史記曰陳桓公三十八年桓公卒桓公弟佗其母蔡女故蔡為佗
殺五父及桓公太子免而立佗是為厲公厲公七年太子免之三

弟長曰躍中曰林少曰杵曰蔡人誘厲公以好女與蔡人共
殺厲公而立躍是為利公利公者桓公子也立五月卒中弟林立

索隱曰左傳桓公五年文公子佗殺桓公太子免而代之經六
年蔡人殺陳佗立桓公子躍為厲公而左傳以厲公名躍佗立

未踰年故無謚又莊二十二年傳云陳厲公蔡出也故蔡人殺五父而立之則佗與五父俱為蔡人所殺其事不異是一人明矣史記既以佗為厲公遂以躍為利公五父為別是大史公錯耳而班固又以厲公為桓公弟又誤也

莊公林厲公弟在位十年

元庚辰

宣公杵臼莊公少弟即位二十一年巳酉殺太子禦寇禦寇素愛厲公于完完懼禍及巳乃奔齊宣公四十五年卒

元巳丑
終癸酉

穆公欵宣公子在位十六年

元甲戌

共公朔穆公子在位十八年

元庚寅

靈公平國共公子在位十五年

元戊申

史記靈公十五年飲於夏氏夏徵舒弑靈公而自立為陳侯靈公王為之伐陳誅徵舒乃迎靈公太子午於晉而立之

成公午靈公子在位三十年

元癸亥

哀公弱成公子在位三十四年

元癸巳

史記哀公病其弟司徒招殺悼太子偃師立哀公嬖妾子留為太子哀公怒欲誅招招發兵圍守哀公哀公自經殺招卒立留為君陳君留哀公庶子

史記曰陳司徒招立留為陳君使使赴楚楚靈王聞陳亂乃殺陳使者使公子棄疾發兵伐陳陳君留奔鄭

春秋昭公八年

丙寅冬十月壬午楚師滅陳

左傳楚公子棄疾帥師滅陳晉侯問於史趙曰陳其遂亡乎對曰未也公曰何故對曰陳顓頊之族也歲在鶉火是以卒滅陳

將如之今在折木津猶將復由且陳氏得政於齊而後陳卒亡
自幕至於瞽叟無違命舜重之以明德實德於遂遂世守之及
胡公不淫故周賜之姓使祀虞帝臣聞盛德必百世祀虞之世
數未也繼守將在齊其兆既存矣

昭公九年丁卯夏四月陳災

左傳陳災鄭裨竈曰五年陳將復封封五十二年而遂亡子產
問其故對曰陳水屬也水火妃也而楚所相也今火出而火陳
逐楚而建陳也妃以五成故曰五年歲及鶉火而後陳卒亡楚
克有之天之道也故曰五十二年

公羊傳陳已滅矣其言陳火何存陳也曰存陳悌矣曷為存陳
滅人之國執人之罪人殺人之賊葬人之君若是則陳存悌矣

惠公吳哀公孫悼太子偃師子壬申楚平王復立之在位二十四年
史記曰楚靈王使公子棄疾伐陳滅之而以棄疾為陳公後五歲
棄疾弒靈王而代立為平王乃求陳悼太子之子吳立為陳侯是
為惠公惠公立探續哀公卒時年而為元空藉五歲矣二十八年
懷公柳惠公子在位四年吳人召之懷公如吳吳人留之因卒吳陳
立閔公元丙申

閔公周史記各越懷公子在位二十四年楚惠王殺閔公遂滅陳元庚子終癸亥

右陳始胡公終閔公凡十九世二十二君佗留不在其數共六百餘年

太史公曰舜之德可謂至矣禪位于夏而後世血食者歷三代及
楚滅陳而因常得政於齊卒為建國百世不絕苗裔茲茲有土者
不乏焉

黃氏曰陳舜之後國於荆河之地實邇強楚而遠齊晉其堅於事
楚非得已故聖人不忍貶絕而十二公悉著于冊

學海君道部卷之二十三

世系類 二十

列國譜系 四

大國篇 四

齊世章

齊太公望呂尚姓姜氏炎帝之裔伯夷之後也

國語周史伯對鄭桓公曰姜伯夷之後也
禮於神以佐堯者也伯翳能議百物以佐舜者也其後未有興者
夫國大而有德者近興秦仲齊侯姜羸之儁也且大其齊

史記世家曰太公望呂尚者東海上人其先祖嘗為四嶽佐禹平
水土甚有功虞夏之際封於呂或封於申夏商之時申呂或封支

庶子孫或爲庶人尚其後苗裔也本姓姜氏從其封姓故曰呂尚
索隱曰譙周云姓姜名牙炎帝之裔伯夷之後掌四岳有功封之
於呂子孫從其封姓呂尚其後也按後文王得之渭濱云吾先君
太公望子久矣故號太公蓋牙是字尚是名後武王爲師尚父則
尚父官名
正義曰括地志云天齊池在青州臨淄縣東南十五里封禪書云
齊之所以爲齊者以天齊也

路史後紀曰炎帝器生祝庸祝庸爲黃帝司徒居於江水生術囂
父首方顛是襲土壤生條及句龍句龍爲后土能平九州是以社
祀句能生垂垂臣高辛爲堯共工垂生噎鳴是爲伯夷爲虞秩宗
且功於水封呂伯夷生泰嶽泰嶽生呂泰嶽蓋長伯夷之子世謂
卽伯夷始繆於伏氏按朝鮮記云伯夷生西嶽則泰嶽爲伯夷之
子明矣故子晉云共工從孫四嶽佐之太史公不應以四嶽爲一
人韋昭以四嶽爲伯夷也

太公隱於渭濱周文王見之遂歸文王輔成周業武王克商封於齊
史記曰呂尚蓋嘗窮困年老矣以漁釣奸周西伯西伯將出獵卜
之曰所獲非龍非虜非虎非羆所獲霸王之輔於是周西伯獵杲
遇太公於渭之陽與語大說曰自吾先君太公曰當有聖人適周
周以興子真是邪吾太公望子久矣故號之曰太公望載與俱歸
立爲師或曰太公博聞嘗事紂紂無道去之游說諸侯無所遇而
卒西歸周西伯或曰呂尚處士隱海濱周西伯拘姜里散宜生闕
天素知而招呂尚呂尚亦曰吾聞西伯賢又善養老蓋往焉三人

者為西伯求美女奇物獻之於紂以贖西伯西伯得以出反國言太公所以事周雖異然要之為文武師文王伐崇密須大夷大作豐邑天下三分其二歸周武王伐紂遷九鼎修周政與天下更始太公謀居多武王封太公於齊營丘

正義曰括地志云茲泉水源出岐州岐山縣西南凡谷呂氏春秋云太公釣於茲泉遇文王酈元云磻溪中有泉謂之茲泉積水為陳即太公釣處今謂之凡谷有石壁深高幽邃人跡罕及東南隅有石室蓋太公所居水次盤石釣處即太公垂釣之所其投竿跪餌兩膝遺猶存是磻溪之稱也其水清冷神異北流十二里注於渭說苑云呂望年七十釣於渭渚

凌氏曰東方朔云客難曰太公體行仁義七十有二乃設用於文武孔叢子云勤身苦志八十而遇文王舉全數耳楚辭云太公九十顯榮則又指封國時也

左傳管仲對屈完曰昔召康公命我先君太公曰五侯九伯女實征之以夾輔周室賜我先君履東至於海西至於河南至於穆陵北至於無棣

史記曰太公封營丘東就國道宿行遲逆旅之人曰吾聞時難得而易失客寢甚安殆非就國者也太公聞之夜衣而行犁明至國萊侯來伐營丘邊萊萊人夷也會紂之亂而周初定未能集遠方是以與太公爭國太公至國脩政因其俗簡其禮通商工之業便魚鹽之利而人民多歸齊及周成王少時管蔡作亂淮夷畔周乃使召康公命太公曰東至於海西至於河南至穆陵北至於無棣

服虔以為太公

受封境界所至不然也蓋言其征伐所至之城五侯九伯實得征之齊由此得征伐為大國蓋大公之卒百有餘年

索隱曰禮記云大公封於營丘比及五世皆反葬於周鄭玄曰大公受封留為太師死葬於周五世之後乃葬齊

竹書康王六年己卯齊太公薨

丁公伋太公子

竹書康王十六年己丑錫齊侯伋命

史記曰太公卒子丁公伋立丁公卒子乙公得立乙公卒子癸

公慈母立系本作猶公慈母譙周亦曰癸公慈心也

楊慎曰丁公乙公癸公蓋猶用殷法以生曰名子也

哀公不辰世本作不臣譙周亦作不辰癸公子哀公時紀侯譖之周周烹哀公而

立其弟

宋衷曰哀公荒淫田遊史作還詩以刺之也

竹書夷王三年壬寅王致諸侯烹齊哀公於鼎

胡公靜哀公弟胡公徙都薄姑而當周夷王之時哀公之同母少弟山怨胡公乃與其黨率營丘人襲攻殺胡公而自立

獻公山胡公弟在位九年

武公壽獻公子九年周厲王出奔虢二十四年周宣王初立二十六年武公卒厲公無忌武公子厲公暴虐故胡公子復入齊齊人欲立

之乃與攻殺厲公胡公子亦戰死齊人乃立厲公子赤為君是為文公而誅殺厲公者七十人

竹書宣王十二年甲申齊人弒其君厲公無忌立公子赤

文公赤厲公子在位十二年竹書宣王二十四年

成公脫世本及譙周年表皆在說文公子在位九年

莊公購世家及世本並作贖成公子二十四年周東徙洛六十四年莊公卒

僖公祿父莊公子九年己未魯隱公元年也十年庚申十二年經書

齊侯鄭伯盟於石門三十三年卒元辛亥

襄公諸兒僖公長子在位十二年元甲申

公孫無知僖公母弟夷仲年之子弑襄公而自立為君遊於雍林

雍林人襲殺無知高國召僖公子小白於莒立之是為桓公

桓公小白僖公子在位四十三年元丙申

孝公昭桓公子母衛姬在位十年元己卯

史記曰桓公卒易牙豎刁立公子無詭為君無詭長衛姬所生太子昭奔

宋鄭姬所生宋襄公率諸侯兵伐齊內昭齊人恐殺無詭四公子之徒

攻太子宋敗四公子師而立太子是為孝公孝公十年

昭公潘桓公子母葛嬴孝公卒潘因衛公子開方殺孝公子而自立

在位十九年元己丑

公子舍昭公子昭公卒子舍立為君昭公之弟商人與眾即墓上

弑之而自立

懿公商人桓公子母密姬弑公子舍而自立四年游於申池為丙

戎庸職所弑齊人廢其子而迎公子元於衛立之是為惠公元己酉

惠公元桓公子母少衛姬在位十年元癸丑

頃公無野惠公子在位十七年元癸亥

靈公環頃公子在位二十八年元庚辰

莊公光靈公子在位六年崔杼弑之立莊公異母弟杵臼是為景公
元戊申

景公杵臼莊公弟在位五十八年
元甲寅

安孺子史記云晏孺子荼景公子在位一年田乞作亂召公子陽生於魯立

之是為悼公使人遷晏孺子於駘
元壬子

悼公陽生景公子安孺子兄弑孺子自立四年為鮑牧所弑
元癸丑

簡公壬悼公子年表云景公子鮑牧弑悼公齊人共立之在位十四年田恒

寘於徐州弑之
元丁巳

平公驚簡公弟在位二十五年
元辛未

宣公積平公子在位五十一年
元丙申

康公貸宣公子康公十九年常孫和始為諸侯遷康公海濱二十六

年康公卒呂氏遂絕其祀田氏卒有齊國
元丁未
終壬申

右齊始太公終康公凡二十三世二十九君無知舍不在數共七百
四十四年

太史公曰吾適齊自泰山屬之琅邪北被於海膏壤二千里其民

闊達多匿知其天性也太公之聖建國本桓公之盛脩善政以

為諸侯會盟稱霸不亦宜乎洋洋哉固大國之風也

索隱述贊曰太公佐周實秉陰謀既表東海乃居營丘小白致霸

九合諸侯及溺內寵豐鍾蟲流莊公失德崔杼作仇陳氏傳政厚

貨輕收悼簡遺禍田闞非儔颯颯餘烈一變何由

楚世章

楚之先曰季連高陽氏之苗裔也芊姓

國語史伯曰荆重黎之後也夫黎為高辛氏火正以淳耀敦大天

明地德光昭四海故命之曰祝融其功大矣夫成天地之大功者其子孫未嘗不章虞夏商周是也虞慕能聽協風以成樂物生者也夏禹能單平水土以品處庶類者也商契能和合五教以保於百姓者也周棄能播殖百穀疏以衣食民人者也其後皆為王公侯伯祝融亦能昭顯天地之光明以生柔嘉材者也其後八姓於周未有侯伯已姓昆吾蘇顧溫董則夏滅之矣彭姓彭祖豸韋諸稽則商滅之矣秃姓舟人則周滅之矣妘姓鄔鄔路偃陽曹姓鄒莒皆為采衛或在王室或在夷翟莫之數也而又無令聞必不興矣斟姓無後融之興者其在芊姓乎芊姓夔越不足命也唯荆實有昭德若周衰其必興矣及平王末而楚蚡冒於是乎始啟濮

史記世家曰高陽生稱稱生卷章卷章生重黎重黎為帝嚳高辛居火正甚有功能光融天下帝嚳命曰祝融共工氏作亂帝嚳使重黎誅之而不盡帝乃以庚寅日誅重黎而以其弟昊回為重黎後復居火正為祝融昊回生陸終陸終生子六人坼割而產焉六曰季連芊姓楚其後也季連生附沮附沮生穴熊其後中微或在中國或在蠻夷弗能紀其世

索隱曰重氏黎氏二官代司天地重為本正黎為火正據左氏少昊氏之子曰重顓頊氏之子曰黎今以重黎為一人乃是顓頊之子孫者劉氏云少昊之後曰重顓頊之後則單稱黎若自言當家則稱重黎故楚及司馬氏皆重黎之後非關少昊之重愚謂此解為當

世本曰高陽生稱稱生老童老童生重黎及昊回

譙周曰老童即卷章 昊回

生陸終陸終取鬼方氏之妹謂之女嬪生子六人六曰季連是為芊姓

路史曰高陽氏取勝奔氏曰女婁勝奔一作勝潰一作勝湟一作勝婁世本大戴禮皆作女婁

生伯稱卷章季禺三人卷章取椋水氏曰嬌即所謂嬌禍者一作極極皆非也卷章史

及大荒經作老童經云顛項生老童非也生犁及回犁為祝融卒帝嚳以回代之回食

於吳是也吳回生陸終楚及司馬氏皆吳回陸終之後史記以陸終為皆重黎之後失之重黎乃自二人

終取鬼方氏曰嬪一作女嬪脰三年生子六人以六月六日坼左

而生三人剖右而生三人其六曰季連亦曰季芊芊俗野以伯禹名加姓

定荊州季芊實居其地生附敘史作附沮始封於熊故其子為穴熊

商高宗時始伐荆楚

詩商頌曰捷彼殷武奮伐荆楚深入其阻哀荆之旅有截其所湯

孫之緒維汝荆楚居國南鄉昔有成湯自彼氏羗莫敢不來享其

敢不來王

集註自盤庚沒而殷道衰楚人叛之高宗伐之此祀高宗之樂

三山李氏曰楚為夷狄之國世亂則先叛世治則後服商室中

徵往往為慮高宗所以討之

華谷巖氏曰或謂成王始封熊繹於荆至魯僖公元年始有楚

號遂疑商時未有荆楚乃欲假此以實韓詩宋襄公時作商頌

之說殊不然禹貢有荊州即荆楚也又有荆岐則雍州之荆詩

人故以荆楚別荆岐耳孰謂周始有荆楚哉

庖言曰荊州名也楚國號也荆名見於禹貢而許氏說文云堯

以楚伯受命則楚之為國號舊矣國語云荆重黎之後是名為

荆不名為楚或者荆人兼楚國并稱之曰荆楚至春秋莊王之世乃去荆而稱楚歟

熊繹鬻熊之子

左傳楚子靈王狩於州來右尹子革夕王與之語曰昔我先王熊繹

與呂伋王孫牟衛康叔子康伯燮父晉唐叔子禽父魯公並事康王四國皆有分

無珍寶器今吾使人於周求鼎以為分王其與我乎對曰與

君王哉昔我先王熊繹辟在荆山山在新城沔鄉縣南篳路藍縷以處草莽

跋涉山林以事天子唯是挑弧棘矢以共禦王事齊王舅也晉及

魯衛王母弟也楚是以無分而比皆有今周與四國服事君王將

唯命是從豈其愛鼎王曰昔我皇祖伯父昆吾舊許是宅昆吾弟季車為

楚之祖故楚謂昆吾為伯父昆吾嘗居許地今鄭人貪頽其田而不我與我若求之其

與我乎對曰與君王哉周不愛鼎鄭敢愛田

服虔註曰篳路柴車素大輅也藍縷言衣敝壞其縷藍藍然也

挑弧棘矢所以禦災言楚地山林無所出也

史記鬻熊蚤卒其子曰熊麗熊麗生熊狂熊狂生熊繹熊繹當周

成王之時舉文武勤勞之後嗣而封熊繹於楚蠻封以子男之田

姓芊氏居丹陽

正義曰傳例云楚居丹陽今枝江縣故城是也括地志云歸州

巴東縣東南四里歸故楚子熊繹之始國也又能繹墓在歸州

秭歸縣輿地志云秭歸縣東有丹陽城周迴八里熊繹始封也

路史曰穴熊之後鬻熊子者師臣文王成王時熊氏畔乃復封

子繹於荆居丹陽

註曰楚先封鬻夏商間因爲姓文王師鬻熊是也季連之封漫其處周初復之荆楚一木故春秋初猶書荆僖公後始書楚或謂孔子狄之非也秦莊襄以母諱復曰荆熊繹初封居丹陽城璞云今秭歸縣南成王以封熊摯今熊姓猶百家故晉志云秭歸故楚子國是曰西楚武徙枝江佑云楚自丹陽徙枝江亦曰丹陽是爲南楚又秦之鄣郡元封二年爲丹陽郡而丹陽縣乃潤州境蕪湖縣東二十有石城山志爲楚始封地陳宣詔云楚繹南城非也丈徙江之南爲南郢後九世昭王昭避敵遷都今宜城爲北郢惠因亂遷鄢旣立復歸頃襄徙陳考烈徙壽春亦曰郢皆緣先代威名冠之也

熊繹以後諸熊

史記熊繹生熊艾熊艾生熊黜

索隱曰一作黷音與宜同字亦作宜也

熊黜生熊勝

熊勝以弟熊揚爲後

竹書穆王十四年

壬申

王師楚子伐徐戎克之三十五年

癸未

荆人入

徐毛伯遂帥師敗荆人於泝三十七年

乙酉

荆人來貢

卮言曰以上竹書所紀荆事不詳其世今備錄於此蓋春秋以前史籍鮮存故不敢遺春秋以後則各以其類見焉

熊渠熊繹之四世孫熊揚之子

史記熊揚生熊渠當周夷王之時王室微諸侯相伐熊渠甚得江漢間民和乃興兵伐庸揚粵至於鄂熊渠曰我蠻夷也不與中國之號謚乃立其三子爲王皆在江上及厲王暴虐熊渠畏其伐楚亦去其王

竹書夷王七年丙午楚子熊渠伐庸至於鄂

熊延

史記曰熊渠長子曰熊母康母康蚤卒熊渠卒子熊摯紅立摯紅卒其弟弒而代立曰熊延

索隱曰摯紅即鄂王紅也譙周古史考曰熊渠卒子熊翔立熊翔卒長子摯有疾少子熊延立欲會此代系則翔亦康弟熊渠既卒康又蚤卒摯紅立而被延殺故史考言摯有疾而史云弒也

正義曰譙周言摯有疾此言弒未詳宋均註樂緯云熊渠嫡嗣曰熊摯有惡疾不得為後別居於夔為楚附庸後王命曰夔子

詳後國篇

熊勇延子

史表熊勇七年共和元年庚申也十年卒

史記熊延生熊勇立六年而周人作亂攻厲王厲王出奔彘熊勇十年卒弟熊嚴為後

竹書厲王十四年辛酉召穆公追荆蠻至於洛十六年癸亥楚子勇卒

熊嚴勇子

史記熊嚴十年卒紀年厲王二十五年壬申楚子嚴卒

熊霜嚴子

史記熊嚴有子四人長子伯霜中子仲雪次子叔堪少子季狗熊嚴卒伯霜代立是為熊霜熊霜元年周宣王初立熊霜六年卒

竹書宣王五年戊寅秋八月方叔帥師伐荆蠻六年楚子霜卒

詩小雅采芑末章曰蠢爾蠻荆大邦為讎方叔元老克壯其猷方

叔率止執訊獲醜戎車嘽嘽嘽嘽焯焯如霆如雷顯允方叔征伐
獬豸蠻荆來威

集註宣王之時蠻荆背叛王命方叔南征方叔蓋嘗與於北伐
之功者是以荆蠻聞其名而皆來畏服也

卮言曰荆楚居江南之地籍累世之雄每乘中國之衰為背叛
之舉故殷高宗周宣王之中興皆有伐荆之功

熊狗國語作紉熊霜弟

國語史伯對鄭桓公曰夫荆子熊巖生子四人伯霜中雪叔熊季
紉叔逃難於濮而蠻季紉是立遠氏將起之禍又不克言將立叔能而又有
禍是天啟之也又甚聰明和協蓋其先王臣聞之天之所啟十世
不替夫其子孫必光啟土不可信也且重黎之後也

史記熊霜卒三弟爭立仲雪死叔堪亾避難於濮而少弟季狗立
是為熊狗熊狗二十二年卒子熊罥立

竹書宣王二十八年辛丑楚子狗卒

熊罥狗子

史記熊罥九年子熊儀立紀年宣王三十七年庚戌楚子鄂
卒

熊儀鄂子

史記熊儀立是為若敖敖者君也若敖二十年周幽王為大戎所殺周
東徙而秦襄公列為諸侯若敖二十七年卒子熊坎立

竹書平王七年丁丑楚子儀卒

熊坎一作儀子

史記熊坎立是為霄敖霄敖六年卒子熊狗立

熊駒坎子

史記熊狗立是為蚡冒蚡冒十七年卒蚡冒弟熊通弒蚡冒子而

代立

蚡冒始啓濮地在蜀南語詳前

索隱曰按玉篇駒在口部顧氏云楚之先即蚡冒也近代本字

有從目者故劉氏有舜音非也

庖言曰晉楚之興其所由來者漸矣文昭桓莊渠紘蚡冒皆雄才也春秋之前伯功未立而是數君者駸駸有大志焉晉武公入春秋遂滅宗獻公并吞小國至文公而霸楚武王入春秋遂僭號文王并吞小國至莊王而霸雖順逆不同而英明則一夫繼世之君得一人焉猶足以興况累葉乎殷周之王晉楚之霸皆歷世漸積故長遠要之皆天授非人力也彼無天命而欲崛起以圖大者雖或幸成安能久哉

武王熊通熊狗之孫立十九年魯隱公之元年己未歲也三十五年

乙亥始僭稱王在位共五十二年

元辛丑

左傳魯隱公二年楚武王之二十一年辛酉秋蔡侯鄭伯會於鄧始懼楚也桓公六年楚武王之三十五年乙亥春楚武王侵隨使蘧章求成焉

史記武王三十五年伐隨隨曰我無罪楚曰我蠻夷也今諸侯皆為叛相侵或相殺我有敝甲欲以觀中國之政請王室尊吾號隨人為之周請尊楚王室不聽還報楚三十七年楚子怒曰吾先鬻熊文王之師也早終成王舉我先公乃以子男田令居楚蠻夷皆

率服而王不加位我自尊耳乃自立爲武王與隨人盟而去於是始開濮地而有之

卮言曰楚武王侵隨事始見於左傳而史記以伐隨之後二年楚子自立爲武王楚之先係名於熊其後乃稱敖至武王而後稱王則武王之始僭王可知矣劉炫云武乃號非謚也然武之子謚文自此皆謚則武亦謚也豈史記自立爲王之句加一武字使讀者易曉抑或其生號而沒謚耶

文王熊賁武王子在位十五年

元壬辰

春秋莊公十年

楚文六年

秋九月荆敗蔡師於莘以蔡侯獻舞歸

公羊傳荆者何州名也州不若國國不若氏氏不若人人不若名名不若字字不若子

穀梁傳曰荆者楚也何爲謂之荆狄之也何爲狄之聖人立必後至天子弱必先叛故曰荆狄之也

杜氏左傳註曰荆楚本號後改爲楚

孔氏左傳正義曰荆楚一木二名故以爲國號亦得二名終莊公之世經皆書荆僖之二年乃書楚人伐鄭蓋於爾時始改爲楚以後常稱楚也

劉氏曰楚之上世有元德顯功通於周室與中國冠帶之君無異僭稱王故狄之

汪氏曰史記周文王封祝融之苗裔熊繹於楚蠻以子男之田夷王之時王室微熊渠甚得江漢間民和熊渠立爲王厲王暴虐熊渠畏其伐去王號十一世至熊通伐隨令請王室尊爲王

王不聽乃自立為武王子文王始強陵江漢間小國敗蔡即此時也公穀皆謂書荆以州舉杜預謂荆其本號後改為楚今考檀弓謂夫子將之荆晉語叔向謂荆敗我則荆或是楚故號然商頌稱荆楚則荆改號楚已久或者如郟改號小邾而仍稱郟申稱滕薛郟蓋春秋畧之故舉其故號耳

史記文王熊賁立始都郢二年伐申過鄧六年伐蔡虜蔡哀侯以歸已而釋之楚彊凌江漢間小國小國皆畏之十一年齊桓公始伯楚亦始大十二年伐鄧滅之十三年卒

正義曰括地志云紀南故城在荊州江陵縣北五十里杜預云國都於郢今南郡江陵縣北紀南城是也括地志云又至平王更城郢在江陵縣東北六里故郢城是也

堵敖熊羆文王子在位三年 元丁未

史記文王卒子熊羆立是為杜敖杜敖五年欲殺其弟熊懼懼奔隨與隨襲弒杜敖代立是為成王

成王頹 史記熊懼 文王子在位四十六年 元庚戌

史記曰成王憚初即位布德施惠結舊好於諸侯使人獻天子天子賜胙曰鎮爾南方夷越之亂無侵中國於是楚地千里

金氏履祥曰按春秋之中凡篡弒之人必求列於諸侯之會盟以定其位或賂王室而請命焉楚之不王久矣熊懼弒其君兄而自立故修好諸侯入獻天子以自文也其後十五年齊桓責包茅之不入則定位之後跋扈如故可知矣

春秋莊公二十二年 楚成初夏荆人來聘

公羊傳荆何以稱人始能聘也

穀梁傳善累而後進之其曰人何也舉道不待耳

胡傳荆自莊公十年始見於經十四年入蔡十六年伐鄭皆以州舉者惡其猶夏不恭故狄之也至是來聘遂稱人者嘉其慕義自通故進之也朝聘者中國諸侯之事雖蠻夷而能修中國諸侯之事則不念其猶夏不恭而遂進焉見聖人之心樂與人爲善矣

劉氏曰吳楚徐越上世皆有元德顯功通乎周室徐始稱王楚後稱王吳越因遂稱王王非諸侯所當稱也故夷狄之雖然上不使與中國等下不使與夷狄均推之可遠引之可來也

陳氏曰聘未有稱人者其稱人何荆未有大夫也聘未有不稱使者其不稱使何荆未有君也荆未有君大夫而稱人於是始蓋進之也隱桓之春秋舍王室若姻鄰無聘魯者矣而荆人先諸夏脩聘於上國進之也者憂之也

汪氏曰公穀皆謂稱人所以進之或謂春秋著其漸盛今攷楚之交中國始書荆人繼書楚屈完然後書楚子使椒楚子使蕩罷蓋始而聘則嘉其慕義而稱人既而來盟予其服義則進而稱名氏及其浸慕中國荐講聘好則稱君稱臣矣吳之始見也亦祇舉號及其來會諸侯則進而稱人使季札聘則嘉其慕義而稱君稱臣雖曰進之而吳楚漸盛之勢已見於言意之表矣然楚之初聘止曰荆人而不著君臣雖曰進之而實則畧之也蓋不可言荆來聘故謂之荆人特比於舉號則爲進之耳或以

謂君臣同辭夫君臣同辭則止稱國既曰荆人則是荆之卑者
特比於君使臣則其辭未詳焉耳曷可謂君臣同辭哉

春秋僖公元年楚成十三年秋七月楚人伐鄭

胡氏曰楚稱人浸強也莊公十年敗蔡師虜獻舞固已強矣然
獨舉其號者始見於經則本其僭竊之罪正其夷狄之名著王
法也二十三年來聘嘉其慕義乃以人書二十八年伐鄭惡其
猾夏復以號舉至是又伐鄭也亦書人者豈許其伐國而人之
乎會中華執盟主朝諸侯長齊晉其所由來者漸矣

孫氏曰敗蔡人蔡稱荆來聘始進稱人伐鄭又稱荆今日楚人
伐鄭者以其兵衆地大漸通諸夏自此十數年侵伐用兵皆稱
人焉

張氏曰荆至是稱楚者蓋荆乃州名商頌稱奮伐荆楚則楚亦
其國舊名前此侵敗中國皆以州舉獨來聘稱人自此始稱國
稱人則浸強而陵駕中國然終齊桓世雖伐滅小國止稱人者
以桓之力猶足以制之也桓沒而宋襄霸然後始列於會盟偃
然主諸侯而春秋有以爵書者矣

廬陵李氏曰荆自莊十九年文王卒子堵敖立堵敖幼弱數年
之間兵患不起二十二年熊頹殺兄而立是爲成王二十三年
來聘漸有事於中國矣而母壯子少子元專權尚不能逞至三
十年鬬班殺子元鬬穀於菟爲令尹自毀其家以紓楚國之難
於是楚勢復強張氏謂其始定改號曰楚以交於中國疑亦得
之

僖公四年_丑春王正月公會諸侯伐楚楚屈完來盟于師

張氏曰來而不書使者春秋待夷狄謹嚴之法雖錄屈完名氏以進之若書楚子使屈完則一同於中國君臣之辭矣故書楚屈完來盟以嘉其服義不書楚子使以嚴夷狄之分而伸齊桓方伯之體

僖公二十一年

楚成王三十二年壬午

秋宋公楚子陳侯蔡侯鄭伯許男會于

孟執宋公以伐宋

高氏曰楚自是稱楚子而序於諸侯之上於此見中國衰而夷狄盛也

臨川吳氏曰宋襄求諸侯於楚而楚許之故為此會然能致諸侯之來者實楚也夫楚以國則夷狄也以爵則子也偃然以子爵而敘於侯伯之上則此會也楚實為之主故宋公之執不待言楚而知其為楚矣前有鹿上之盟後有宜申來獻捷之事楚君皆稱楚人獨此稱其子者蓋謂執宋公不可稱執宋人宋公既爵則陳蔡鄭許曹皆須爵否則疑若君與大夫會五國既爵則楚不得不稱爵此春秋之筆也

汪氏曰於齊鹿上楚皆書人此會書楚人則疑非楚君故昉書楚子四夷雖大皆曰子荆楚僭王而書之以子雖曰稱爵而抑之之意實在其中然以子爵亞於宋公而位中國諸侯之上則兩伯之仇不待春秋之終而已見矣

冬楚人使宜申來獻捷

公羊傳此楚子也其稱人何貶曷為貶為執宋公貶故終僖之

篇貶也

陳氏曰君使大夫何以特稱人貶之也孟會不稱子無以見宋楚之爭長獻捷不人之則是遂予楚也自是至椒之聘始有君大夫

廬陵李氏曰楚未有大夫而書屈完則屈完為褒辭楚已有君而書楚人則楚人為貶辭

僖公二十七年楚成三十冬楚人陳侯蔡侯鄭伯許男圍宋

杜氏曰楚序諸侯上而稱人嫌予楚以伯也

文公元年楚成四十冬十月丁未楚世子商臣弑其君頹

穆王商臣成王子弑父自立在位十二年元丙申

春秋文公九年楚穆王冬楚子使椒來聘

公羊傳椒者何楚大夫也楚無大夫此何以書始有大夫也始有大夫則何以不氏許夷狄者不一而足也

胡傳楚僭稱王春秋之始獨以號舉夷狄之也中間來聘改而書人漸進之矣至是其君書爵其臣書名而稱使遂與諸侯比者是以中國之禮待之也所謂謹華夷之辨義安在乎曰吳楚聖賢之後見周之弱王靈不及僭擬名號此乃用夏而變於夷者也聖人重絕之

劉氏曰前此者楚不與中國通其交於中國也名號僭而無法故比之夷狄得見於春秋者皆必有非常之事焉今使椒聘其號辭順其禮節中然後始均之中國矣故諸侯一也能自藩飾以禮樂者則謂之中國不能自藩飾以禮樂上慢下暴者則謂

之夷狄中國夷狄不在遠近而在賢不肖苟賢矣雖居四海謂之中國可也苟不肖矣雖處河洛謂之夷狄可也楚成以力爲強執宋襄公戰勝天下威脅諸侯雖書春秋而不得以其爵通今使椒來聘常事耳自卑貶其名脩下人之義而得編於諸侯君臣俱榮以此見德爲貴力爲下矣

廬陵李氏曰秦自韓戰稱伯至殺而狄之楚自孟會稱子至圍宋復人之晉文襄之盛秦楚未嘗得以爵通也至是椒聘書子術聘書伯雖曰能聘而中國之無伯亦可見矣

文公十一年楚穆十春楚子伐麋

襄陵許氏曰楚侵伐書爵始此中國日替矣

高氏曰自會蜀之後雖其大夫帥師亦出名氏一同中國蓋聖人悼中國無盟主故不以夷狄待之也

莊王旅穀羊作呂穆王子在位二十三年元戊申

春秋宣公十一年楚莊十夏楚子陳侯鄭伯盟於辰陵

汪氏曰楚自會孟之後未嘗稱爵與於會盟今書子序陳侯鄭伯之上楚初王盟也會孟稱爵貶之也不稱爵則疑於楚大夫盟辰陵書爵予之也予其謀討陳之賊也

宣公十八年楚莊二十秋七月甲戌楚子旅卒

胡傳楚僭稱王降而稱子者是仲尼筆之也其不書葬者恐民之惑而避其號是仲尼削之也

高氏曰前此不書楚子之卒者外夷狄也此書之者以楚入爲申國之害中國不能自正乃與夷狄朝聘盟好故自此詳志其

卒也

廬陵李氏曰自宣公十年以後春秋多予楚之辭

共王審莊王子在位三十一年 元辛巳

康王昭 史記作招 共王子在位十五年 元壬寅

史記共王卒子康王招立寵弟公子四人公子圍子比子晳棄疾四人康王十五年卒子員立是為邲敖

邲敖熊麋康王子在位四年康王弟公子圍弒之而自立 元丁巳

靈王圍康王弟弒邲敖而自立在位十二年 元辛酉

史記公子圍弒邲敖而自立是為靈王子比奔晉靈王十年使公子棄疾定蔡因為陳蔡公十一年伐徐以恐吳靈王次於乾谿以待之十二年吳越伐楚間使矯公子棄疾命名公子比於晉至蔡

與吳越兵欲襲蔡令公子比見棄疾與盟於鄧遂入殺靈王太子

祿立子比為王靈王走死王比既立乃去棄疾棄疾使人詐驚王

王自殺棄疾即位是為平王

平王名棄疾改名熊居共王子靈王弟在位十二年 元癸酉

昭王名壬改名軫平王子在位二十七年昭王救陳病於軍中讓其

弟公子閻為王昭王卒閻迎越女之子章立之是為惠王 白公之亂詳繼統

惠王章昭王子在位五十七年 元癸丑

簡王中惠王子在位二十四年 元庚戌

聲王當簡王子在位六年為盜所弒 元甲戌

悼王熊疑聲王子在位二十一年 元庚辰

肅王臧悼王子在位十一年 元辛丑

宣王熊良夫肅王弟在位三十年 元壬子

威王熊商宣王子在位十一年 元壬午

懷王熊槐威王子在位三十年秦昭王詐會懷王懷王入秦楚立太

子橫是為頃襄王二年懷王卒於秦 元癸巳

頃襄王橫懷王子在位三十六年 元癸亥

考烈王熊元頃襄王子在位二十五年 元巳亥

幽王悼考烈王子在位十年 元甲子

史記曰考烈王以左徒黃歇為令尹封以吳號春申君考烈王無子春申君患之求婦人宜子者進之甚眾卒無子趙人李園持其女弟欲進之楚王聞其不宜子恐久母寵李園求事春申君為舍人已而謁歸故失期還謁春申君問之狀對曰齊王使使求臣之

女弟與其使者飲故失期春 聘入乎對曰未也春申君曰

可得見乎曰可於是乃進其女弟即幸於春申君知其有身李園乃與其女弟謀園女弟承間以說春申君曰楚王之貴幸君雖兄弟不如也今君相楚二十餘年而王無子即百歲後將更立兄弟則楚更立君後亦各貴其故所親君又安得長有寵乎非徒然也君費用事又多失禮於王兄弟兄弟誠立禍且及身何以保相印江東之封乎今妾自知有身矣而人莫知妾幸君未久誠以君之重而進妾於楚王王必幸妾妾賴天有子男則是君之子為王也楚國盡可得孰與身臨不測之罪乎春申君大然之乃出李園女弟謹舍而言之楚王楚王召入幸之遂生子男立為太子以李園女弟為王后李園恐春申君語泄而益驕陰養死士欲殺春申君

以滅口考烈王卒李園先伏死士於棘門之內刺春申君斬其頭使吏盡滅春申君之家而李園女弟所生子者遂立是為楚幽王索隱曰按楚悼有母弟猶猶有庶兄負芻及昌平君是楚君完非無子而上文云考烈王無子誤也

卮言曰幽王有母弟哀王哀王有庶兄負芻是李園女弟未進之時固無子既生幽王之後又有此數子也史記文亦無誤論者皆曰黃絕芊祀然黃歇之子王十年耳而卒無後與楚同滅者又考烈之子則芊之當滅其兆見矣黃歇欲盜楚國國不可得而先滅其家姦謀之在人亦何益哉

哀王猶幽王母弟立二月餘庶兄負芻之徒襲殺之而立負芻

王負芻哀王庶兄在位五年秦滅楚虜楚王負芻置楚郡

元甲戌終戊辰

右楚始能繹終負芻凡三十二世三十九君共九百餘年

黃氏幹曰楚在春秋始曰荆繼曰楚始曰人繼曰子蓋當時夷狄之為中國患未有若楚人之暴且久有方城以為城有漢水以為池有申呂之田以禦外有申息之門以備內有成莊共平康昭為之君有子文孫叔子庚子木子蕩為之臣所以能世抗齊晉與春秋始終至靈康以後雖專令諸侯喪敗相尋矣然春秋書法之嚴則又以其私竊名號而夷之爾

羅氏泌曰春秋褒貶乎曰無之有進退乎無之曲則奚以勸曰善善惡惡善其善惡其惡直書其事而人自勸矣進者不得不進因其進而進之於何褒退者不得不退因其退而退之於何貶曷嘗求夫經之所以書者乎夷之日盛華之日微豈人所願哉徐之初

也。稱戎盛而稱徐，又盛而人之；又盛而子之。楚之初也。稱荆盛而
稱人，既而楚矣。又盛而人之；又盛而子之。已而有使通矣。已而有
大夫矣。聖人豈有心於進之哉？因其進而進之。至於此也。王道衰
諸侯僭，一再降而政逮於大夫。又再降而制歸於夷狄。聖人豈有
心於退之哉？因其退而退之。至於此也。五年一朝，諸侯之於天子
禮也。天子於諸侯有聘而已。諸侯而相朝，聘講信脩睦，豈有大小
彊弱之分哉？周室東，王政不綱，於是大國聘而不朝，小國朝而不
聘。故春秋書來朝者三十有六，皆邾杞曹滕之君。未有一大國也。
來聘者三十有一，皆晉宋齊秦之人。無一小國也。二百四十二年
之間，魯之朝楚者屢，而楚未始一朝。魯其來聘也，偃然既以大國
自居，而聖人亦因以大國書之矣。始其來聘，進而人矣。未幾通也，
其再至也，進而名矣。未氏通也，又至而名氏通於。是始與中國諸
臣儕無別矣。聖人之意，豈不欲中國之盛，而夷鎮之復卻哉？不得
已也。或曰：慕義來也，故進之。是不然。荆之聘，二成之。元穆之八，與
邾敖之二，俱其熾盛之日。時魯方衰，有無禮而加我耳。齊桓死，晉
文未起，方僖公之盛際，且甘心委質之孟之會，至不出而受其捷，
未幾而乞師伐齊，取穀，則魯之附楚久矣。孰有慕義於莊公哉？
卮言曰：史記十二諸侯年表論云：儒者斷其義，馳說者馳其辭，不
務綜其終始，歷人取其年月，數家隆於神運，譜謀獨記世謚，其辭
畧欲一觀，諸要難於是。譜十二諸侯自共和訖孔子表，見春秋國
語學者所譏。盛衰大指著於篇，爲成學治古文者要刪焉。十二者，
魯齊晉秦楚宋衛陳蔡曹鄭燕吳也。杞越有世家言，而年表不載。

者杞國微而用夷越國夷而後著也表中秦之後為帝已入帝系矣而杞以先代之餘系宋陳之後滕以文昭之封系曹蔡之後其年月之可紀與興亡之大畧備錄於前以終太史公十二年表十三世家之編邾莒以下另為一篇以世家所不述也越系邾莒之後以年表所不錄也許在後篇

學海君道部卷之四 終未及出

學海君道部卷之二十四

茅絢編

世系類 二上四

列國譜系 五

大國篇 五

邾世章

邾子俠帝顓頊曾孫陸終第五子安之後也曹姓

史記陸終第五子曰曹姓邾是也

詳楚世章

索隱曰世本云其五曰安是為曹姓宋衷云安名也曹姓者諸

曹所出也

正義曰括地志云故邾國在黃州黃岡縣東南百二十里

左傳正義曰邾曹姓顓頊之後有六終產六子其第五子曰安邾

即安之後也周武王封其苗裔邾俠為附庸居邾今魯國鄒縣是也自安至儀父十二世始見春秋

路史曰邾子俠晏安之苗裔也武王克殷封俠為邾子居邾後遷

婁是為邾婁今濟之任城南二十有邾婁城吳芮都邾毛實守邾城在是非江

夏說文江夏邾縣王篇魯附庸地隔亦在黃黃岡東南百三十邾縣故城楚宣滅邾徙之此

邾子克

春秋魯隱公元年巳未春三月公及邾儀父盟於蔑

左傳邾子克也未王命故不書爵曰儀父貴之也

杜注曰王未賜命故不書爵其後儀父服事齊桓以獎王室至

命以為邾子

正義曰莊十三年齊桓會諸國於北杏邾人在焉及十六年

而書邾子克卒故知由事齊桓乃得王命也賈服以為北杏

之會時已得王命蓋以北杏之會邾人在列故謂其已得命

也列與不列在於主會之意不由有爵與否襄二十七年宋

之盟齊人請邾宋人請滕邾滕不列於會故不書邾滕襄五

年戚之會穆叔以屬鄆為不利使鄆大夫聽命於會故經書

鄆人然則為人私屬則不列於會不為人私屬則列於會不

可據列會與否以明有爵也昭四年申之會淮夷列焉未必

有爵也邾今無爵得與魯盟北杏會齊何須有爵齊桓之霸

自鄆如耳北杏之時諸侯未從霸功未立桓尚未有殊勳儀

父何足可紀且齊桓未有功於王焉能使王命之其得王命

必在北杏之後但未知定是何年耳

公羊傳儀父者何邾婁之君也何以名字也曷為稱字褒之也曷為褒之為其與公盟也

穀梁傳儀字也父猶傳也男子之美稱也其不言邾子何也邾之上古微未爵命於周也

程子曰邾附庸國邾子克字儀父附庸之君稱字同王臣也夷狄則稱名降中國也

胡傳邾者魯之附庸儀父字也中國之附庸例稱字

隱公五年癸亥秋邾人鄭人伐宋七年乙丑秋公伐邾

左傳宋人取邾田邾告於鄭鄭人以王師會之伐宋入其郛七年魯伐邾為宋討也

桓公十五年甲申夏五月邾人牟人葛人來朝

十七年丙戌春二月公會邾儀父盟於趯秋八月及宋人衛人伐邾

臨川吳氏曰隱元年及邾盟蔑七年而隱公渝盟伐邾桓公八年又伐邾魯邾不通好十有餘年至桓十五年邾同牟葛朝魯

既朝之後二國欲尋蔑盟而平其再伐之怨故邾來魯地受盟而公與之盟也

莊公十三年庚子春齊侯宋人陳人蔡人邾人會於北杏

十六年癸卯冬十二月邾子克卒

穀梁傳其曰子進之也范註附齊而尊王室王命進其爵

杜氏曰克儀父名稱子者蓋齊桓請王命以為諸侯

高氏曰不能五十里為附庸若有功加地滿五十里則列為子男邾本附庸齊桓始霸從其征伐有功王室以是請王命而爵

之爲子聖人因其卒也而著之

陳氏曰向也曰儀父今日邾子已賜之爵也春秋之初諸侯猶

稟命於天子是年王使虢公命曲沃伯爲晉侯詩人爲之賦無

衣則諸侯猶有黜陟也

邾子瑣克之子在位十二年

春秋莊公二十八年乙卯夏四月丁未邾子瑣卒

文公遽除瑣之子在位五十二年元丙辰

春秋僖公元年壬戌秋八月公會齊侯宋公鄭伯曹伯邾人於榿九

月公敗邾師於偃

十八年乙卯春正月宋公曹伯衛人邾人伐齊

十九年庚寅夏六月宋公曹人邾人盟於曹南邾子會盟於邾己酉

邾人執鄫子用之

二十二年癸巳春公伐邾取須句秋八月丁未及邾人戰於升陘

左傳邾人以須句故出師公車邾不設備而禦之臧文仲曰國

無小不可易也無備雖衆不可恃也君其無謂邾小蓬蠱有毒

而況國乎弗聽八月丁未公及邾師戰於升陘我師敗績邾人

獲公曹縣諸魚門

二十八年己亥冬公會晉侯齊侯宋公蔡侯鄭伯莒子邾子於濫

卮言曰邾子克從齊桓爲北杏之會既進爵爲子矣春秋於其

會也書於人其卒也書子則邾已列於諸侯文公立帝會者矣

於榿魯猶敗其師及從宋公曹伯伐齊而執殺鄫子敗魯師

於升陘則邾又寢強矣晉文溫之會邾子遂與諸侯於榿晉文

卒而魯方伐邾以報升陘之役邾文蓋能審勢度德以休其國者此魯雖數加兵而卒不勝也

三十三年甲辰夏四月公伐邾取訾婁秋公子遂帥師伐邾

左傳公伐邾取訾婁以報升陘之役邾人不設備秋襄仲復伐

邾

文公七年辛丑春公伐邾三月甲戌取須句

左傳文公七年辛丑公伐邾取須句寘文公子焉禮也

僖公取須句反其君後復為邾所敗今魯再取之邾文公子

叛在魯故魯使之為須句大夫

文公十三年丁未夏五月邾子蘧蒢卒

左傳邾文公卜遷於繹史曰利於民而不利於君邾子曰苟利

卅十

於民孤之利也天生民而樹之君以利之也民既利矣

焉左右曰命可長也君何弗為邾子曰命在養民死之短焉

也民苟利矣遷也吉莫如之遂遷於繹五月邾文公卒君子曰

知命

定公釁且文公子在位四十年元戊申

春秋文公十四年戊申春正月邾人伐我南鄙叔彭生帥師伐邾

左傳邾文公之卒也公使弔焉不敬邾人來討伐我南鄙故惠

伯伐邾

夏六月晉人納捷菑於邾弗克納

左傳邾文公元妃齊姜生定公二妃晉姬生捷菑文公卒邾人

立定公捷菑奔晉七月晉趙盾以諸侯之師八百乘納捷菑於

邾邾人辭曰齊出糶且長宣子曰辭順而弗從不祥乃還

宣公元年癸丑秋邾子來朝

十年壬戌秋公孫歸父帥師伐邾取繹

正義曰傳稱邾文公遷於繹則繹為邾之都矣更別有繹邑今

魯伐取之非取邾之都也亦因繹山為名蓋近在邾都之旁耳

十七年戊辰夏六月公會晉侯衛侯曹伯邾子同盟於斷道後會不載

成公十七年丁亥冬十二月邾子糶且卒

卮言曰邾定公之世經書邾子會盟者四書邾人者七

宣公經定公子在位十八年元戊子

春秋成公十八年戊子秋八月邾子來朝

左傳八月邾宣公來朝即位而來見也

襄公元年己丑秋九月邾子來朝

左傳四年壬辰冬十月邾人莒人伐鄆臧孫紇救鄆侵邾敗於

狐駘六年甲午穆叔如邾聘且修平

十六年甲辰春三月公會晉侯邾子十一諸侯於溴梁晉人執莒子邾子

以歸

左傳會於溴梁命歸侵田以我故執邾宣公莒犁比公且曰通

齊楚之使

杜氏曰邾莒二國數侵魯又無道於其民故晉為魯討之邾

莒在齊楚往來道中故并以此責之

十七年己巳春二月邾子慆卒

孫氏曰去年晉執以歸此書卒者晉人尋赦之也

卮言曰宣公之世與諸侯會盟邾子者十書邾人者九

悼公葬宣公子在位十五年元丙午終庚申

春秋襄公十七年巳冬邾人伐我南鄙十八年丙午冬十月公會晉

侯邾子十二同圍齊十九年丁未春正月諸侯盟於祝柯晉人執邾

子公至自伐齊取邾因自澗水

左傳諸侯還自沂上盟於督揚執邾悼公以其伐我故遂次於

泗上疆我田取邾田自澗水歸之於我邾田在澗水北今更以郭為界故曰取邾田

二十年戊申春正月公會晉侯邾子十三盟於澗淵秋仲孫速帥師

伐邾黃氏震曰祝柯之會晉已為魯執邾子取邾田矣澗淵之會魯又方與邾同盟矣不宜更伐之也

左傳盟於澗淵齊成故也邾人驟至以諸侯之事弗能報也秋

孟莊子伐邾以報之取數也十五年十七年邾伐魯是以從諸侯之故至是始報之

二十一年巳酉春邾庶其以漆間丘來奔

昭公元年庚申夏六月丁巳邾子卒秋葬邾悼公

卮言曰悼公之世與諸侯會盟書邾子者五

莊公穿悼公子在位三十四年元辛酉

昭公十一年庚午夏仲孫獲會邾子盟於祲祥

十二年壬申秋公會劉子晉侯邾子十二於平丘

左傳晉會諸侯於平丘邾莒愬於晉曰魯朝夕伐我幾亡矣我

之不共以魯之故晉侯不見公執季孫意如以歸

春秋昭公十八年丁丑夏六月邾人入鄆十九年戊寅春宋公伐邾

左傳邾襲鄆入之盡俘以歸既而反鄆夫人舍其女夫人宋女

也十九年宋為鄆故伐邾圍蟲二月取之乃盡歸鄆俘邾人鄆

人齊人會宋公同盟於蟲二十三年壬午邾人城翼還將自離姑

公孫鉏曰魯將御我欲自武城還循山而南徐租丘弱茅地曰

道下遇雨將不出是不歸也遂自離姑武城人離姑歸株道經魯之武城塞

其前斷其後之木而弗殊邾師歸之乃推而蹙之遂取邾師獲

鉏弱地邾人愬於晉晉執我行人叔孫婍使與邾大夫坐叔孫

曰列國之卿當小國之君固周制也邾又夷也寡君之命介子

服固在請使當之乃不果坐韓宣子使各居一館士伯聽其辭

而愬諸宣子乃皆執之士伯御叔孫從者四人過邾館以如吏

欲使諸人見叔孫之屈尊先歸邾子次年乃歸叔孫

二十七年丙戌冬十月邾快來奔

二十一年庚寅冬黑肱以濫來奔

定公三年甲午春二月辛卯邾子穿卒秋葬邾莊公

卮言曰莊公之世與諸侯會盟書邾子者三邾人者二

隱公益莊公子在位二十年奔齊

春秋定公三年甲午冬仲孫何忌及邾子盟於拔修邾好也

十五年丙午春正月邾子來朝夏五月公薨邾子來奔喪

左傳邾隱公來朝子貢觀焉邾子執玉高其容仰公受玉卑其

容附子貢曰以禮觀之二君者皆有死以焉

左傳哀公二年戊申魯伐邾將伐絞邾人愛其土故賂以漙沂之

田乃盟於句繹見經錄傳省文

哀公七年癸丑秋公伐邾八月己酉入邾以邾子益來

左傳季康子欲伐邾饗大夫以謀之子服景伯曰小所以事大

信也大所以係小仁也背大國不信伐小國不仁民係於城城
係於德失二德者危將焉係孟孫曰二三子以為何如惡賢而
逆之對曰禹合諸侯於塗山執玉帛者萬國今其存者無數十
焉惟大不字小小不事大也知必危何故不言魯德如邾而以
衆加之可乎不樂而出秋伐邾茅成子請告於吳不許成子以
茅叛師遂入邾處其公宮衆師晝掠邾衆係於繹師宵掠以邾
子益來獻於亳社囚諸負瑕負瑕故有繹邾茅夷鴻自請救於
吳吳子從之

八年

甲寅夏歸邾子益於邾

左傳齊侯使如吳請師將以伐我乃歸邾子邾子又無道吳子
使太宰子餘討之囚諸樓臺梃之以棘使諸大夫奉太子革以
為政

十年

丙辰春二月邾子益來奔

左傳邾隱公來奔齊甥也故逐奔齊

陳氏曰吳人討邾奉太子為政而後奔則其但書奔何以是為
自失國也春秋之法苟其道足以失國雖有敵國猶以自致之
文書之

傳二十二年

戊辰

夏四月邾隱公自齊奔越曰吳為無道執父立

子越人歸之太子革奔越

正義曰革為邾君十餘年矣仍稱為太子者承其父歸之下
故繫言之

桓公革隱公子在位十年

自丁巳至戊辰

公子何革之第

左傳哀公二十四年庚午夏邾子又無道越人執之以歸而立公子何何亦無道二十七年癸酉越子使后庸來聘且言邾田封於駘上盟於平陽

鄒

史記索隱曰鄒魯地名又云邾邾人徙鄒故也

路史曰騶繹也堯之鄒縣有繹山邾文公遷繹後曰騶故或謂騶

卽邾內傳邾伐魯史作騶也劉蒼騶山記云鄒山卽古繹也邾文公所卜鄒縣本邾國魯穆改曰鄒西

山從邑變邾城在山南通典云周四十里在鄒縣東南古騶則今之鄒平廣記武德爲州元年

鄒州則今臨濟非扶風玉篇鄒古扶風附庸國

穆公

孟子鄒與魯開穆公問曰吾有司死者二十三人而民莫之死也

誅之則不可不勝誅不誅則疾視其長上之死而不救如之何則

可也

黃氏曰邾小國也交隣睦事伯謹君臣多賢庶幾守禮義者至穆

公之時鄒與魯開有司死者二十三人惟民不死難而仁政之言

猶得聞於孟子則邾之爲國猶未至於空虛也故能介數大國之

間與春秋始終迄戰國而未亾

羅氏曰趙岐云鄒本春秋邾子之國至孟子時改曰鄒後爲魯所

并又言楚并者非然邾鄒本二近而移非改也又詳前註邾爲魯并而

鄒爲楚并

小邾世章

邾友邾俠之後也

春秋說曰小邾曹姓子爵出自邾俠之後夷父顏有功於周周封其子友於邾為附庸其地在東海昌慮縣東北邾城是也

左傳正義曰世本言肥杜譜言友當是一人

路史曰朱友以父夷甫顏功封邾從齊勤王命為小邾子左傳高厚定邾田今承縣滕東南有邾故城晉志蕃縣古小邾國隋曰滕今隸沂邵曰蕃即小邾國魯附庸漢蕃縣一云仙源故曲阜東南四十古邾城或以此為邾婁非也

小邾子

春秋莊公五年壬辰秋邾黎來左傳名未命也朝

杜氏曰未受爵命為諸侯傳發附庸稱名例也其後數從齊桓以尊周室王命以為小邾子

公羊傳邾者何小邾婁也曷為謂之邾未能以其名通也黎來者何名也其名何微國也

穀梁傳邾國也邾來微國之君未爵命者也

胡傳邾國也黎來名也國何以名夷狄之附庸也中國之附庸例稱字邾儀父蕭叔是也夷狄之附庸例書名邾黎來介葛廬是也能修朝禮故特書曰朝其後卒能從齊桓尊周室王命為

小邾子

張氏曰按宋仲幾云滕薛邾吾役也則邾蓋宋之附庸非夷狄也而不得與邾儀父同稱字者臨江劉氏以為未成國謂之邾其或然歟

王氏曰邾邾之別而以名見者春秋繁露曰附庸字者方二十

列國記序 卷五
里名者方二十里邾國小故與介同稱邾又猶有禮故介又不
可以語此故介止言來而邾則兼曰朝

廬陵李氏曰邾以僖七年書小邾子其來朝五此年及僖七襄
七昭三昭十七年也其後服役於宋故宋仲幾曰滕薛邾吾役
也其不得與儀父書字例者未能同於中國也其不與介葛廬
書來例者已能進於禮也

十五年壬寅秋宋人齊人邾人伐邾

杜氏邾附庸屬宋而叛故齊桓為之伐邾

汪氏曰石氏謂邾有二邾黎來乃小邾國三國伐邾乃宋之附
庸今考伐邾而後經不書邾惟小邾城成周之役經書小邾人
而宋仲幾曰邾吾役也昭二十年傳稱邾申杜氏云小邾穆公

子必有所據則邾為小邾明矣

僖公七年

戊辰夏小邾子來朝公羊傳作小邾婁子

杜氏曰邾黎來始得王命而來朝邾之別封故曰小邾
何氏曰齊桓公請天子進之

穆公

春秋襄公二年

庚寅秋七月仲孫蔑會晉荀罃小邾人於戚

左傳會於戚謀鄭故也孟獻子曰請城虎牢以偏鄭知武子曰
善邾之會滕薛小邾之不至皆齊故也寡人之憂不惟鄭罃將
復於寡君而請於齊冬復會於戚齊崔武子及滕薛小邾之大
夫皆會知武子之言也

卮言曰小邾與滕薛皆屬齊至是始與諸侯會盟

七年^{乙未}夏四月小邾子來朝

左傳小邾穆公來朝亦始朝公也

九年^{丁酉}冬公會晉侯^{諸侯}小邾子伐鄭同盟於戲^{以後盟會不載此章}

昭公三年^{壬戌}秋小邾子來朝

左傳小邾穆公來朝季武子欲卑之穆叔曰不可曹滕二邾實

不忘我好敬以逆之猶懼其貳又卑一睦焉逆群好也其如舊

而加敬焉季孫從之

十七年^{丙子}春小邾子來朝

左傳春小邾穆公來朝公與之燕季平子賦采菽穆公賦菁菁

者莪昭子曰不有以國其能久乎

又傳十九年^{戊寅}春宋公伐邾邾人邾人徐人會宋公同盟於蟲

厄言曰小邾穆公之世與諸侯會盟春秋書小邾子者十二

書人者四^{明魯書爵者二}蓋亦杞桓邾文之類能自立者也

春秋昭公三十^{二年}冬仲孫無忌會晉韓不信^{及諸侯}小邾人

城成周

左傳孟懿子會城成周宋仲幾不受功曰滕薛邾吾役也^{詳薛章}

定公四年^{壬辰}春三月公會劉子晉侯^{十六諸侯}小邾子於召陵侵楚

哀公四年^{庚戌}春宋人執小邾子

汪氏曰稱人以執非伯討也不稱名無罪也以私怨擅執小國

之君又不歸諸京師其罪大矣

十四年^{庚申}春小邾射以句繹來奔^{一云小邾繹大夫名}

左傳小邾射以句繹來奔曰使季路要我吾無盟矣使子路子

路辭李康子使冉有謂之曰千乘之國不信其盟而信子之言子何辱焉對曰魯有事於小邾不敢問故死其城下可也彼不臣而濟其言是義之也由弗能

右小邾之見春秋經傳者惟二君其世莫考

廬陵李氏曰小邾亦曹姓之國介在海濱畏齊事魯而偏於宋非一日也觀晉悼之世小邾不至於會悼公欲謀之其大夫曰是齊政也魯襄之時小邾嘗至於朝襄公欲卑之其大夫曰是實不忘魯好也非其畏齊事魯者歟魯莊公十五年經書伐邾者宋人哀公四年經書執小邾子者宋人又非其偏於宋者然歟夫以弱國小衆剪然求好於強齊宋魯之間常恐不足亦無可道者明矣然攷之經祀朝而不稱侯以其不共於齊也朝也介來而不謂朝以其不能乎朝也以至滕薛邾莒之侯皆以成國而駸駸焉日趨於僻陋之域而不自知春秋或自侯而書伯書子或自子而書人書名其不能國亦可知矣獨小邾自邾黎來之來其國稱鄉則非成國也其君稱名則未成君也其朝稱來則未成朝也豈不甚微矣乎而黎來之後遂能以禮通於諸侯從齊桓以尊周室而受附庸之寄魯僖以後朝魯者四晉悼以後會晉者二十執玉端委而周旋於強邦大侯之間從事於禮樂文物之盛是可嘉也已故嘗觀於昭公十七年小邾子來朝於其燕也有菁莪之賦叔孫昭子曰不可以國其能久乎嗚呼藐然之邾偏而不傾與春秋終始焉是豈無所自來歟

薛世章

薛侯任姓黃帝之後也

世族譜曰薛任姓黃帝之苗裔奚仲封為薛侯今魯國薛縣是也

奚仲遷於邳仲虺居薛以為湯左相武王復以其胃為薛侯

路史曰黃帝少子禺陽受封於任為任姓生佺梁佺梁生番禺番

禺生奚仲奚仲為夏車正建侯於薛又十二世仲虺為湯左相其

後祖已七世成遷於華有女歸周是為太任生文王武王克殷復

封薛侯於薛至獻公穀始見春秋薛自夏建侯歷殷周卒四世

春秋隱公十一年巳春滕侯薛侯來朝

左傳春滕侯薛侯來朝爭長薛侯曰我先封滕侯曰薛庶姓也

我不可以後之公使羽父請於薛侯曰寡人若朝於薛不敢與

諸任齒君若辱貺寡人則願以滕君為請乃長滕侯

春秋莊公三十一年戊午夏四月薛伯卒

張氏曰薛始稱伯蓋降班而告終也

廬陵李氏曰薛以隱十一年來朝稱侯今稱伯諸傳皆無文杜

氏於滕紀降爵皆以為時王所黜此獨不注或以為齊桓所黜

亦未有考胡氏於此亦無傳不知用何例張氏或主沙隨程氏

已見滕下

春秋成公二年癸酉冬十一月公及楚人秦人宋人陳人薛人鄆人

盟於蜀經書薛人與諸侯會盟始此

襄公元年巳春正月仲孫蔑會晉荀瑩滕人薛人圍宋彭城

二年庚寅冬仲孫蔑會晉荀瑩齊崔杼滕人薛人小邾人於戚詳小邾章

獻公穀

春秋襄公五年癸巳秋公會晉侯薛伯十一諸侯於戚

厄言曰經自莊公戊午書薛伯卒至此凡九十六年矣而薛伯

復見此獻公也襄公三十年間書薛伯者七二書薛人者七昭

公三十年間書薛伯者二書薛人者二薛以小國而嘗與大國

之會盟數十年不為禍亦不受禍此其治國交隣必有以自立

者卒謚曰獻有以也薛獻杞桓之類皆以享年之壽有植國之

規語云久道化成信矣

昭公三十一年庚寅夏四月薛伯穀卒左傳同秋葬薛獻公

襄公定獻公子

左傳定公元年壬辰春三月諸侯會城成周宋仲幾不受功曰滕薛

卿吾役也役也欲使三國代宋受功役薛宰曰宋為無道絕我小國於周以

我適楚故我常從宋晉文公為踐土之盟曰凡我同盟各復舊職

若從踐土若從宋亦唯命仲幾曰踐土固然薛宰曰薛之皇祖奚

仲居薛以為夏車正奚仲遷於邳仲虺居薛以為湯左相若復舊

職將承王官何故以役諸侯仲幾曰三代各異物薛焉得有舊為

宋役亦其職也晉士伯曰晉之從政者新子姑受功歸吾視諸故

府仲幾曰縱子忘之山川鬼神其忘諸乎士伯怒乃執仲幾歸諸

京師

春秋定公四年乙未春三月公會劉子晉侯薛伯凡八諸侯於召陵侵楚

定公十二年癸卯春薛伯定卒夏葬薛襄公

高氏曰春秋書薛卒者二小日不月史文略也

薛伯比襄公子

春秋定公十三年甲辰冬薛弒其君比

惠公夷比子

春秋哀公十年甲辰夏薛伯夷卒秋葬薛惠公

竹書紀年顯王二十九年辛巳邳遷於薛赧王十五年辛酉薛侯來會

魏王於釜丘邳與薛同祖竹書商紀有邳人叛彭伯克邳此云邳遷于薛則薛滅矣而又有薛侯會魏當卽是邳

孟子滕文公問曰齊人將築薛吾甚恐如之何則可王于釜丘

厄言曰按孟子齊人築薛滕文憂之而孟子於薛饋兼金五十

鎰而受則是孟子時薛猶存也綱目顯王四十八年庚子之歲

齊王封田嬰於薛號曰薛公則故薛已滅矣又二十一年壬寅

魏惠王卒孟子去魏適齊據孟子所書則之滕之薛之齊宜在

一時據綱目則薛已屬齊夫所謂五十鎰之饋必非田文也豈

孟子未至梁時已至滕薛而薛存及其至齊而薛已亡歟以戰

國策考之滅薛者齊也而唐書云為楚所滅又竹書赧王十五

年有薛侯會魏王者距孟子去魏之時又二十年矣豈仲虺之

薛滅於楚而邳遷之復滅於齊歟田文封薛而薛又別遷歟

唐書曰薛之可記者畛生初初生厲侯陵陵生宣武侯房房生哀

侯衰衰生莊侯元元生平侯貴貴生昭侯直直生襄侯夷夷生桓

侯辨辨生康侯安興安興生定公襄生恭侯尚尚生景侯魏生宣

侯伯勤伯勤生簡侯文歡文歡生惠侯夷黃夷黃生靈侯英英生

文侯俱俱生隱侯清清生愍侯洪為楚所滅公子登仕楚懷王為

沛公不仕隱於博徒所謂薛公也

路史曰薛自夏建侯歷殷周六十四世齊桓公時紕為伯後滅於

楚

鄱陽洪氏曰左傳載魯哀公大夫云禹合諸侯於塗山執玉帛者萬國今其存者無數十焉漢公孫卿語武帝云黃帝萬諸侯而神靈之封君七千按王制所紀九州凡千七百七十有三國多寡殊不侔以環移之一君曾朝所將吏卒姑以百人計之則萬國之衆當爲百萬塗山之下將安所歸宿乎其爲臆言無可疑者所謂存者數十考諸經傳可見者唯薛耳薛之祖奚仲爲夏禹掌車服大夫自此受封歷商及周末始爲宋偃王所滅其享國千九百餘年傳六十四代三代諸侯莫之與比薛壤地褊小以詩則不列於國風以世家則不列於史記而春秋二百四十二年之間視同儕邾杞滕鄆獨未嘗受大國侵伐則其爲邦亦自有持守之道矣

廬陵李氏曰昔先王之制國大者百里小者不能以五十爲之建屬長連帥卒正州伯焉雖班爵不同而放禮正刑修德以尊天子其責一也薛諸任之國自奚仲爲夏車正而遷於邳仲虺爲湯左相而居於薛蓋先代封爵之餘也春秋之初稱侯以朝魯春秋之中嘗稱伯以會晉其不得爲微國明矣然自來魯之後凡百二十二年薛君大夫無見於經者自盟蜀之後又百一十年間非從晉於盟會而薛事之特見於經者纔一二爾豈非其國寡弱不足以自通於諸侯歟蓋嘗放之齊桓王盟諸侯官受方物晉世代伯列國聽政以受聘之數於是政令不常貢賦無定迄乎春秋之中不惟小侯弱邦率以爲病而大國亦不勝其困矣故魯人會戚求屬鄆也齊人盟宋請屬邾也至於城周之役宋雖傲然欲以三小國

為弱役而絕薛於周吁先王建國同於藩屏王室而宋之為役尚
何以為諸侯乎不特此耳觀晉悼始會薛實不來曰以齊故及崔
杼既來薛大夫亦會則又以晉故異時嘗從楚又以薛適楚則又
不能不惟楚令之聽也以蕞爾之國嘗役於宋矣又逼之以齊臨
之以晉楚若何而國哉薛宰舉踐土之載書為言而仲幾亦曰固
然考之踐土之盟薛子在諸侯之後意者文公雖復諸侯之職而
不必盡勤小國於會是時晉之從政者新亦卒莫能道文襄之故
以復薛之舊者吁先王制諸侯建方伯之意微矣崇明祀係小寡
之義隱矣惜哉

許世章

許文叔太岳之後也姜姓武王克殷封於許

世譜曰許姜姓與齊同祖堯四岳伯夷之後也周武王封其苗裔
文叔於許今潁川許昌是也自文叔至莊公十一世始見春秋
路史曰周武王封文叔於許以續太岳之嗣傳至德男伯封孝男
靖男康男武公文公至莊公始入春秋

穆天子傳曰天子西征還於南鄭休於濩澤見許男於滄上祭父

以天子命辭曰去茲羔

禮男執蒲璧許男欲崇謙故執羔也

許男不敢辭還取束帛

加璧毛公舉幣玉是日也天子飲許男於滄上天子曰朕非許邦
而恤百姓也咎氏

咎猶舅也

宴飲母有禮許男不敢辭升坐於出尊乃

用宴樂天子賜許男駿馬十六許男降再拜空首乃升平坐及暮
天子遣許男歸

莊公

春秋隱公十一年_巳秋七月壬午公及齊侯鄭伯入許

左傳公會齊侯鄭伯伐許遂入許許莊公奔衛鄭伯使許大夫百里奉許叔以居許東徧曰天禍許國鬼神實不逞於許君而假手於我寡人寡人有弟不能和協而使糊其口於四方其况能久有許乎吾子其奉許叔以撫柔此民也吾將使獲也佐吾子若寡人得沒於地天其以禮悔禍於許無寧茲許公復奉其社稷惟我鄭國之有請謁焉如舊婚媾其能降以相從也王室而既卑矣周之子孫日失其序夫許大岳之胤也天而既厭周德矣吾其能與許爭乎

穆公新臣莊公弟_鄭許莊公奔衛鄭伯立之以居許東徧十五年復國四十二年卒共五十七年

春秋桓公十五年_甲夏五月許叔入於許

杜氏曰鄭莊公奉許叔居許東徧莊公卒乃入居位許人嘉之以字告也叔本不去國雖稱入非國近例

穀梁傳許叔許之貴者也莫宜乎許叔其曰入何也其歸之道非所以歸也

廬陵李氏曰許叔宜入國而不得其道故書字書入公羊注以爲許叔本小國春秋前失爵在字例入者出入皆惡是蓋不知入許之本末而妄爲此說也此條穀梁得之

汪氏曰隱十一年魯及齊鄭入許許莊公奔衛鄭悉有許之士地而使許莊公之弟許叔居許東徧以奉其祭祀是年鄭亂許鄭之地不能與已爭故自入其國而君之也

家氏曰許叔之入入之善者也衛朔鄭突之入入之惡者也

僖公四年乙丑春正月公會齊侯八諸侯許男曹伯侵蔡遂伐楚次於

陘夏許男新臣卒秋八月葬許穆公

左傳許穆公卒於師葬之以侯禮也凡諸侯薨於朝會加一等

死王事加二等於是而有以袞斂

僖公業穆公子在位三十三年元丙寅

春秋僖公五年丙寅夏及齊侯凡八諸侯許男會王世子於首止

六年丁卯秋楚人圍許諸侯遂救許

趙氏曰左氏云蔡穆侯將許僖公以見楚子于武城許男面縛

銜璧大夫衰綬士輿櫬楚子問諸逢伯對曰昔武王伐殷微子

啓如是武王親釋其縛焚其櫬禮而命之使復其所楚子從之按

楚本圍許以救鄭諸侯救許鄭圍以解楚師亦退許有何懼乃

隋蔡侯為滅國之禮乎若爾許已從楚齊何故不伐許乎劉氏

云是後許男嘗與諸侯會知其初不降楚也

文公五年己亥冬十月甲申許男業卒

昭公錫我僖公子在位三十年元庚子

春秋文公十四年戊申夏六月公會諸侯許男晉趙盾同盟于新城

宣公十七年己巳春正月許男錫我卒夏葬許昭公

靈公窻昭公子在位四十五年元庚午

左傳成公二年壬申晉伐齊楚救齊王卒盡行彭名御戎蔡景公

為左許靈公為右二君弱皆疆冠之遂與諸侯盟于蜀

左傳許恃楚而不事鄭鄭子良伐許

冬十一月鄭伐許

程氏曰鄭伐於楚一年而再伐許故夷之

四年甲戌冬鄭伯伐許

左傳十二月鄭公孫申帥師彊許田許人敗諸展陂鄭伯伐許取鉏任冷敦之田

廬陵李氏曰鄭自隱十一年入許之後鄭許世讐至此凡書於經者又四侵伐矣然據左氏所記則邲戰之後鄭許首如楚蜀之後許乘楚車是許與鄭皆南而事楚者鄭方從楚何得如此晉楚之救不書於經事未可信也

又五年乙亥許靈公愬鄭伯于楚六月鄭悼公如楚訟不勝鄭伯歸請成于晉八月鄭伯及晉趙盾盟于垂棘十二月諸侯同盟

于蟲牢鄭服也十四年甲申八月鄭子罕伐許敗焉戊戌鄭伯復伐許入其郛許人平以叔申之封

十五年乙酉冬十一月許遷于葉

左傳許靈公畏偪於鄭請遷于楚楚公子申遷許于葉張氏曰葉汝州葉縣葉近楚而楚遷許以自近中國盟主不能安小國而使之昵蠻夷以求安春秋深以著小國之失所也高氏曰許微弱之國隣於鄭鄭亟加兵今遽遷焉蓋畏鄭而南依楚故以自遷為文

春秋襄公三年辛卯冬晉荀罃帥師伐許

左傳許靈公事楚不會於鷄澤晉知武子帥師伐許

十六年甲辰夏五月叔老會鄭伯晉荀罃衛甯殖宋人伐許

左傳許男請遷於晉晉以諸侯會溴梁遂遷許許大夫不可晉人歸諸侯荀偃伐楚敗之遂侵方城之外復伐許而還

二十六年甲寅秋八月壬午許男甯卒于楚

左傳許靈公如楚請伐鄭曰師不興孤不歸矣八月卒于楚

高氏曰十六年晉伐許他國皆大夫獨鄭伯自行故許男欲報之以中國諸侯而卒於夷狄死非其所矣

悼公買靈公子在位二十四年元乙卯

春秋昭公元年庚申春正月叔孫豹會晉趙武楚公子圍及諸侯之大許

人于號

四年癸亥夏楚子蔡侯陳侯鄭伯許男及六諸侯會于申

左傳許男如楚楚子止之遂止鄭伯復田江南許男與焉使椒

舉如晉求諸侯二君待之楚以諸侯滅賴遷賴於鄢楚子欲遷

許於賴使公子棄疾城之而還

九年戊辰春許遷於夷

左傳二月庚申楚公子棄疾遷許于夷實城父取州來淮北之

田以益之伍舉授許男田然丹遷城父人於陳以夷濮西田益

之遷方城外入於許

十八年丁丑冬許遷於白羽

左傳楚左尹王子勝言於楚子曰許於鄭仇敵也而居楚地以

不禮於鄭晉鄭方睦鄭若伐許而晉助之楚喪地矣君盍遷許

許不專於楚鄭方有令政許曰余舊國也鄭曰余俘邑也葉在

楚國方城外之蔽也土不可易國不可小許不可俘讐不可啓

君其圖之楚子說冬楚子使王子勝遷許於析實白羽

十九年戊寅夏五月戊辰許世子止弒其君買

左傳許悼公瘧飲太子止之樂卒太子奔晉書曰弒其君君子曰盡心力以事君舍藥物可也

許男斯世子止之弟在位十九年元巳卯

春秋定公四年乙未春三月公會劉子晉侯許男十七諸侯于召陵侵楚

夏六月許遷於容城

張氏曰容城地名任公輔以為華容縣亦析之近地

王氏曰許四遷皆受楚令經悉以自遷為文蓋遠害就利而願遷也

六年丁酉春正月癸亥鄭游速帥師滅許以許男斯歸

張氏曰許自隱十一年齊魯鄭之入大抵困於與鄭為隣至成十五年畏鄭而遷葉昭九年遷夷十八年遷析定四年又自析遷容城以依楚不三年楚困於吳鄭遂滅之然哀元年以後許復見者楚又存之也太岳之後其亾一見害於鄭其存一恃於楚不過百年韓遂滅鄭亦有由矣

元公成史無其系在位二十二年

春秋哀公元年丁未春正月楚子陳侯隨侯許男圍蔡

汪氏曰楚復封許春秋不與楚人得封故但以自復為文亦猶蔡平陳惠之封於楚而以自歸為文也

十三年巳未夏許男成卒秋葬許元公

凌氏曰汪氏以元公即斯也年表斯亾元公成在位二十二年

許公結元公子

春秋疏曰漢潁川郡許縣故許國文叔所封二十四世為楚所滅

楚云許年世史傳無考

廬陵李氏曰許在春秋不得為微國也春秋書許之事甚略何也春秋列國久於從夷者莫許若也齊霸未衰許嘗從齊晉伯方競許常貳晉一意從楚而始終見偏於鄭無以自立故春秋略之

莒世章

莒子茲與期帝少昊之後也己姓

春秋正義曰世本莒己姓文八年傳稱穆伯奔莒從己氏是莒之姓己見於傳也譜云莒嬴姓少昊之後周武王封茲與於莒初都計後徙莒今城陽莒縣是也世本自紀公以下為己姓不知誰賜

報叔青也二十四年庚午閏十二月公如越辛未六月公至越癸壬申五月衛使司徒期聘於越公攻而奪之幣期告越伯越伯命取之期以眾取之公怒殺期之甥為太子者遂卒於越癸酉春越子使后庸來聘且言邾田封於駘上盟於平陽八月哀公奔越而卒

左傳或謂越伯或謂越子

竹書元王四年已於越滅吳

胡氏曰竹書不紀吳事而越始見於滅吳自是後記越之世次特詳殆無一遺漏者雖魏其本國不如是之滅也因數記於後

竹書貞定王元年癸酉於越徙都琅琊

卮言曰吳越春秋文頗與竹書此文合然非齊之琅琊或吳越間地名有偶同者

四年丙子冬十一月於越子勾踐卒是為莢執

王鹿郢

竹書貞定王十年壬午於越子鹿郢卒不壽立

金氏履祥曰按勾踐太子左氏作適郢紀年作鹿郢史記作鼫與當以左氏紀年為正鉦與適語訛耳鼫與必其號猶勾踐之號莢執也莢執越語如西域二合之音即華言德云

王不壽

竹書貞定王二十年壬辰於越子不壽見殺是為育姑次朱勾立

王朱勾在位三十年

竹書威烈王十一年丙寅於越子滅滕十二年丁卯於越子朱勾滅郟

以郟子鵠歸十四年己巳於越子朱勾卒子翳立

卮言曰通鑑前編以越滅郟係威烈王八年而不載滅滕之事按

滕文公在孟子之時距威烈之世六十餘年竹書妄也

王翳勾朱子在位十二年

淮南修務訓曰越王翳逃於石穴越人熏而出之不得已此觀之得在時不在爭

竹書威烈王二十三年戊寅於越遷於吳二十六年辛巳七月於越太

子諸咎弒其君翳十月越人殺諸咎越滑吳人立孛枝錯枝為君

王莽安

竹書烈王元年丙午於越大夫寺區定越亂立初無余是為莽安

顯王四年乙卯於越寺區第思弒其君莽安次無顛立

王無顛

竹書顯王十二年甲子於越子無疆卒是為莢蠋卯次無疆立

王無疆

竹書顯王三十四年丙戌於越子無疆伐楚二十六年戊子楚圍齊于

徐州遂伐於越殺無疆

胡氏曰竹書越世次最為詳明蓋自勾踐至無疆凡十世自滅

吳之後滅滕滅邾最後無疆伐楚而滅於楚威王自後臣服于

楚不復見竹書

史記曰王無疆時越與師北伐齊西伐楚與中國爭疆當楚威王

之時越北伐齊齊威王使人說越王曰越不伐楚大不王小不伯

於是越遂釋齊而伐楚楚威王興兵而伐之大敗越殺王無疆盡

取故吳地至浙江北破齊于徐州而越以此散諸侯子爭立或為

而不備罪之大者也備豫不虞善之大者也莒恃其陋而不修

城郭浹辰之間而楚克其三都無備也夫

穀梁傳其曰莒雖夷狄猶中國也大夫潰莒而之楚是以知其

上為事也惡之故謹而日之也

十四年甲申春正月莒子朱卒

黎比公密朱之子

春秋襄公六年甲午秋莒人滅鄆

八年丙申夏莒人伐我東鄙左傳以疆鄆田蓋莒既滅鄆魯於

十二年庚戌春三月莒人伐我東鄙圍台季孫宿帥師救台遂入鄆

十六年甲寅春三月公會晉侯莒子十一于溴梁晉人執莒子朱子

以歸詳邾章

十八年丙辰冬十月公會晉侯莒子十二諸侯同圍齊十九年丁巳春正月

諸侯盟於祝柯

二十年戊午春正月辛亥仲孫速會莒人盟于向莒數伐魯前年諸侯盟祝柯和解之

二十三年辛酉冬齊侯襲莒

左傳齊侯還自晉不入遂襲莒門于且于傷股而退莒人行成

齊侯歸二十五年癸亥夏莒爲且于之辱故莒子朝于齊

三十一年己未冬十一月莒人弒其君密州

左傳莒黎比公生去疾及展輿既立展輿又廢之比黎公虐國人患之十一月展輿因國人以攻莒子弒之乃立去疾奔齊齊

出也展輿吳出也書曰莒人弒其君買朱鉏罪之在也

杜註曰買朱鉏密州之子

杜註曰買朱鉏密州之子

庖言曰莒犁比公之世與諸侯會盟春秋序在曹之下邾滕

之上書莒子者十七書莒人者七雖嘗伐魯而卒與魯盟雖見

襲於齊而又朝於齊也此其治國交隣亦可謂能矣而竟以廢

嫡立庶致殺身之禍豈其老而智昏耶雖然晉獻齊桓亦以嫡

庶不明幾于亾國也何責莒子哉

莒展輿

春秋昭公元年庚申春三月取鄆

左傳季文子伐莒取鄆莒人告於會楚告於晉曰尋盟未退而

魯伐莒潰齊盟請戮其使趙孟請諸楚曰魯叔孫豹可謂能矣

請免之以靖能者莒魯爭鄆爲日久矣苟無大害于其社稷可

無尤也去煩宥善莫不競勸于其圖之固請諸楚楚人許之乃

免叔孫

秋莒去疾自齊入於莒莒展與出奔吳

左傳莒展與立而奪群公子秩公子召去疾于齊秩齊公子鉏納去疾展與奔吳魯叔弓帥師彊鄆田因莒亂也

杜註曰弑君賊未會諸侯故不稱侯

正義曰釋例云諸侯不受先君之命而篡立得與諸侯會者則以成君書之若未得接于諸侯則不稱爵傳云會于平州以定公位又云先君若有罪則君列諸會矣此以會為斷也故杜云然

著丘公去疾

左傳昭公四年癸亥莒著丘公立而不撫鄆鄆叛而歸魯故魯取

鄆

春秋昭公五年甲子夏莒牟夷以牟婁及防茲來奔秋七月戊辰叔

弓帥師敗莒師於蚡泉

十年乙巳秋七月季孫意如叔弓帥師伐莒取

十三年壬申秋公會劉子晉侯莒子十四于平丘于平丘

左傳為取鄆故晉將以諸侯討魯邾人莒人復愬于晉晉侯不

見公詳邾章

十四年癸酉秋八月莒子去疾卒冬十二月莒殺其公子意恢

左傳秋八月莒著丘公卒邾公不感國人弗順欲立著丘公之弟庚與蒲餘侯惡公子意恢而善於庚與邾公惡公子鐸而善於意恢公子鐸因蒲與侯而與之謀曰爾殺意恢我出君而納

庚與許之十二月蒲餘侯茲夫殺莒公子意恢郊公奔齊公子
鐸逆庚與于齊齊隰黨公子鉏送之有賂田
共公庚與著丘公弟

春秋昭公二十二年辛巳春齊侯伐莒

左傳春二月甲子齊北郭啓帥師伐莒莒子將戰苑羊牧之諫
曰齊帥賤其求不多如下之大國不可怒也弗聽敗齊師于
壽餘齊侯伐莒莒子行成司馬竈如莒涖盟莒子如齊涖盟
於稷門之外莒於是乎大惡其君

二十三年壬午秋七月莒子庚與來奔

左傳莒子庚與虐而好劔苟鑄劔必試諸人國人患之又將叛齊
烏存帥國人以出之庚與來奔齊人納郊公

郊公狂

昭公二十六年乙酉秋公會齊侯莒子邾子杞伯盟于專陵

定公四年乙未春三月公會劉子晉侯莒子十八于召陵侵楚

哀公十四年庚申夏五月莒子狂卒

卮言曰傳言齊人逐庚與而納郊公後二年經書莒子盟于鄆
陵日卽郊公也又十年而書莒子盟于召陵又十六年而書莒
子狂卒凡例同盟書卒卽任卽郊公而傳不載豈郊公之後又

有狂耶

綱目周考至十年庚戌楚人滅莒史記楚世家簡王元年北伐莒滅之

春秋書曰共公庚與而下微不復見後四世而楚滅之

右莒三十世始茲與期十一世至茲丕公見春秋至郊公又十世

廬陵李氏曰春秋書莒子者五書莒大夫者四莒之始末下詳于經何和莒近齊偪於齊最甚而相伐取地之事乃自莒始以叢爾之莒怙其強暴首亂王法春秋託始於魯隱數簡之中累書莒人不殺莒之爲夷其昉於是乎終春秋之世國君鮮有不稱謚者莒獨不稱謚大夫鮮有不書名氏者莒獨不書名氏國君無書朝大夫無書聘者其君凡五見經而斃於亂者二大夫凡五見經而奔於亂者二誅於亂者一是其國無君臣上下之義無文物施報之禮其有不胥而爲夷者哉春秋之夷之宜也或曰莒僻陋在夷故春秋略之嗚呼春秋進荆人重吳子不輕于絕夷狄如此使莒居夷而用夏春秋容得而略之乎

越世章

史記有越世家然越在春秋之末始著而春秋夷之又亦僭王故系之邾莒諸國之末

越之先曰季扞夏后禹之苗裔而帝少康之庶子也

吳越春秋曰禹周行天下還歸大越登茅山以朝四方群臣封有功爵有德崩而葬焉至少康恐禹迹宗廟祭祀之絕乃封其少子於越號曰無余

越絕書曰無餘都會稽山南故越城是也

會稽記曰少康少子號曰於越越國之稱始此

史記世家曰帝少康之庶子封於會稽以奉守禹之祀文身斷髮披萊而邑焉後二十餘世至於允常

路史曰初禹之會稽山也復於衆曰食其實者不傷其枝吾獲覆釜書以除天下民有廬里其德溥矣死則予欲瘞焉於是誅不順而邑之安民治屈以爲之法及崩群臣葬之至於太康歲弗及祀

帝杼卽位征東海至其地方皇不忍去

人名其處為杼山顏真卿記山有夏王村其北有夏

駕村吳興記曰稽留

爰封其弟扞以世祀處於埤中削髮文身以負俗曰無

余無余者杼也蓋十數傳而與民編及周之東有無士百姓奉而

君之是為漚粵東粵

竹書周成王二十四年於越來賓穆王三十七年大起九師東至于九江遂伐越至於紆

羅氏曰越地記云周遷時有人生而言曰鳥禽呼嚙喋指天而向

禹墓曰我無今君之一未也將修前祀為民請命民喜而封之曰

無壬無壬生皞皞生夫譚譚之子為元常故越北界有禦兒鄉與

萬歲曆之說異按國語通典作禦而越人謂兵為兒蓋禦兵云

允常季扞二十餘世之孫

史記曰二十餘世至於允常允常之時與吳王闔閭戰而相怨伐

正義曰輿地志云越侯傳國三十餘葉歷殷至周敬王時有越

侯夫譚子曰允常拓土始大稱王春秋貶為子號為於越杜註

云於語發聲也

按此則允常已稱王而史記云允常卒于勾踐立是為越王則勾踐始稱王也

春秋昭公五年

甲子冬楚子蔡侯徐人越人伐吳

左傳楚子以諸侯及東夷伐吳越大夫常壽過帥師會楚子于

瑣

陳氏曰初書越而常壽過得稱人越驟強也通吳以制楚者晉

謀之失也通越以制吳者楚謀之失也

黃氏曰越以伯禹之苗裔受會稽之別封其來已久入春秋百

九十餘年越始見經以吳楚之僭春秋夷之其極盛也猶得書

子越終於春秋之世常不過以國稱豈非僻陋之甚乎獨勾踐

與吳之事可以勵臣之節焉

廬陵李氏曰越惟此條稱人昭三十二年書吳伐越定五年書於越入吳十四年書於越敗吳於檣李哀元年吳夫差敗越於夫椒勾踐行成既歸國十年生聚十年教訓至黃_之後又書於越入吳至哀二十年而越滅吳矣

昭公三十二年_{辛卯}夏吳伐越

左傳始用師於越也史墨曰不及四十年越其有吳乎越得歲而吳伐之必受其凶

定公五年_{丙申}夏於越入吳

公羊傳於越者何越者何於越者未能以其名通也越者能以其名通也

范氏曰於越夷言也春秋即其所以自稱者書之見其不能慕中國故以本俗自通

陳氏曰向日越人今日於越復從其舊號也吳楚爭而後越入中國昭五年常壽過始見經而得一稱人後三十年而入吳不復稱人矣

汪氏曰汲冢周書王會篇有東越於越則於越或當時之所稱歟

廬陵李氏曰劉氏曰於越者其自稱者也越者中國稱之者也考之經文入吳敗吳皆越人來告故書於越吳伐越則吾來告也故書越劉說為合

王勾踐允常子在位三十年

春秋定公十四年

_{越王勾踐元年乙巳}

夏五月於越敗吳于檣李

左傳吳伐越越子勾踐禦之陳于檣李患吳之整也使罪人三
行屬劔於頸而辭曰二君有治臣奸旗鼓不敏於君之行不敢
逃刑遂自剄也吳師屬之目越子因而伐之大敗之闔廬傷而
卒

史記曰允常卒子勾踐立是為越王元年吳王闔閭聞允常死
乃興師伐越勾踐襲敗之

左傳哀公元年丁未春吳王夫差敗越於夫椒報檣李也遂入越
越子以甲楯五千依於會稽使大夫種因吳太宰嚭以行成吳
子將許之伍員諫弗聽退而告人曰越十年生聚而十年教訓
二十年之外吳其為沼乎三月越及吳平吳入越不書吳不告
慶越不告敗也

哀公十四年

巳未夏於越入吳

左傳吳夫差會諸侯於黃池越王伐吳大敗吳師獲太子及遂
入吳吳及越平

薛氏曰吳子忘不共戴天之恥而求諸侯於外此越之所以霸
諸侯也

左傳哀公二十年

乙丑冬十一月越圍吳

二十二年丁卯夏五月越人始來

杜氏曰越既勝吳欲霸中國始遣使適魯

二十年

戊辰冬十一月越滅吳

史記曰勾踐已平吳乃以兵北渡淮與齊晉諸侯會于徐州致貢
於周周元王使人賜勾踐胙命為伯勾踐已去渡淮南以淮上地

與楚歸吳所侵宋地於宋與魯泗東方百里當是時越兵橫行於江淮東諸侯畢賀號稱霸王

索隱曰越在蠻夷少康之後地遠國小春秋之初未通上國國史既微略無世系故紀年稱爲於越子據此文平吳之後周元王使命爲伯後遂僭而稱王也

卮言曰史記允常不言王至勾踐立是爲越王平吳之後號稱霸王是以稱王在乎吳後也故索隱云然而左傳初書越子及已未入吳遂書越王是勾踐之王已在入吳之時不待平吳矣正義又云允常始稱王而史記亦云越王賜大夫種劍曰子爲我從先王試之蓋勾踐旣王而追稱允常爲王耳

左傳哀公二十三年巳秋八月叔青如越始便越也越諸鞅來聘之姓者十一世茲丕公方見春秋

路史曰莒輿期始都計二世茲丕歸莒至紀公復紀姓莒子

春秋隱公三年庚夏五月莒人入向秋九月紀子伯莒子盟于密

左傳莒子娶于向向姜不安莒而歸夏莒人入向以姜氏還

四年壬春二月莒人伐杞娶牟婁

八年丙秋九月公及莒人盟于浮來

桓公十二年庚夏六月壬寅公會杞侯莒子盟于曲地

莊公二十八年乙冬莒慶來逆叔姬

僖公元年壬冬十月公子反帥師敗莒師於鄆獲莒挈莒子之弟

左傳二十五年丙衛人平莒於魯乃盟於洮修衛好及莒平也

茲丕公

春秋僖公二十六年丁亥春正月己未公會莒子衛甯速盟于向

左傳公會莒茲丕公甯莊子盟于向尋洮之盟

杜氏曰茲丕時君之號莒夷無謚以號為稱

二十八年巳丑夏五月癸丑公會晉侯齊侯宋公蔡侯鄭伯莒子盟

于踐土冬公會晉侯諸侯莒子邾子于温

紀公庶其

文公七年辛丑冬徐伐莒公孫敖如莒涖盟

左傳穆伯娶于莒曰戴已生文伯其姊聲已生惠叔徐伐莒莒

人來請盟故穆伯如莒涖盟

文公十八年壬子冬十月莒弑其君庶其

左傳莒紀公生太子僕又生季佗愛季佗而黜僕且多行無禮

於國僕因國人以弑紀公以其寶玉來奔納諸宣公公命與之

邑曰今日必受季文子使司寇出諸竟曰今日必達公問其故

季文子使太史克對曰云云詳繼統類

渠丘公朱

春秋宣公四年丙辰春正月公及齊侯平莒及邾莒人不肯公伐莒

取向莒邾有宿怨齊魯平之而莒不肯故伐之

十一年癸亥夏公孫歸父會齊人伐莒

十三年乙丑春齊師伐莒左傳莒恃晉而不事齊故也

左傳成公七年丁丑晉侯及諸侯同盟于馬陵莒服故也莒屬齊齊服晉

故莒八年戊寅秋晉侯使申公巫臣如何假道于莒與渠丘公立

於池上曰城已惡莒子曰僻陋在夷其孰以我為虞對曰夫狡焉思啓封疆以利社稷者何國蔑有唯然故多大國矣唯或思或縱也勇夫重閉况國乎

杜註曰渠丘公莒子朱也池城池也渠丘邑名莒縣有蘧里

正義曰渠丘莒之邑名夷不當有謚或作別號此朱以邑名為號不知其故何也

春秋成公九年巳春正月公會晉侯齊侯莒莒子杞伯同盟于蒲

冬十一月楚公子嬰齊帥師伐莒庚申莒潰楚人入鄆

左傳楚子重自陳伐莒圍渠丘渠丘城惡衆潰奔莒伐申楚入

渠丘莒人囚楚公子平楚人曰勿殺吾歸而俘莒人殺之楚師

圍莒莒城亦惡庚申莒潰楚遂入鄆莒無備故也君子曰恃陋

王或為君濱於江南海上服朝於楚

索隱曰楚破越在周顯王之六十四年按紀年粵子無頡薨後十年楚伐徐州無楚敗越殺無疆之語是無疆為無頡之後紀年不得錄也

胡氏曰索隱注謂紀年無殺無疆之文然竹書今本甚明當是小司馬誤也

竹書赧王三年巳四月越王使公師隅來至魏獻舟二百前五百萬及犀角象齒

閩王搖

厄言曰竹書自顯王戊子書楚伐越殺無疆後二十二年至赧王巳酉又書越王貢獻於魏據此文則無疆雖殺越服於楚國

未滅也而胡氏謂無疆服楚以後不見竹書蓋亦未細攷也
史記曰越王無疆後七世至閩君搖佐諸侯平秦漢高帝復以搖
爲越王以奉越後東越閩君皆其後

太史公曰禹之功大矣漸九川定九州至于今諸夏艾安及苗裔
勾踐苦身焦思終滅疆吳北觀兵中國以尊周室號稱霸王勾踐
可不謂賢哉蓋有禹之餘烈焉



